


18
19
20
21
22
23
24
25
26
27
28
29
30
31
32
33
34
35
36
37
38
39
40
41
42

金石續編



5130
856-2
部- 乙

19



金石續編卷第二

東魏

西魏

北齊

北周

武進陸耀燾纂

太倉陸增祥校訂

東魏

疑禪寺三級浮屠碑

高八尺廣四尺額高尺許篆書五行題疑禪寺三級浮屠之碑額十字陽文上截高四尺餘三十四行行三十五字下截三尺十三列列三十八行題名並正書在直隸元氏縣

○纖景凝麗則海鏡皆明皇秀潛映則□□醬□□□

○聖○薇屈而顯淵蹤現元吉而輝冲原作淨盲故高蹈

七步耀天人出儀駕遊四門悲生老為苦啓眉沈作質光

啣於長夜流駒彩翼於重昏罔鑒洞於真沈作真機靈照

渙於森像无言出論拂石記年沙童出說彈指為證權

影哀於羣宗應響懷於類族靡身不即即也而流仁無
音不曉曉也而知覺斯實不思議之至妙也然化應世
二境教盡四域中鄉靈軒迤軻選隱雙樹金顏雖遙經
岳流範是用育王中塔東土隆基復闡出像西域弥構
法輪滿世妙露斯光但群品異途行乖殊致令沈作迷
井出猶自亡於木翳百首中鱗懸鯁於釣庸貪愛溺於
死河春蜚圓絲入網自非沈抽穎神峯韶然孤沈作秀
者焉能於滄濤之津而拯彼坵劫今正信佛弟子趙居
士名融字祖和元氏人也其先與秦同姓至周穆王造
父有駮駟出勲賜姓趙氏又匡弼晉口暨於武靈王布
錦千城散綺萬國沈作國疑郁郁顯於篆冊穆穆聰沈

至於斯矣遠祖口漢司徒公化東軍都督內外諸軍

事冀州刺史趙郡公慕珪芳於遐葉遂回封此焉居士

融蘊冲惔出妙性如荔口出瑤聲沈作馨懷珠照寐若霄

漢出朗月雅志貞素行潔儒流清風峻遠栖心文史恒

以甘禪育命滄經養年化無徹迹人不昌言霜齡長碧

雪月含清不闕玉帛出門不踐縉紳之戶靖夜閑吟任

運衰榮卓絕天倫可謂冲掾自然矣居士融每常嘆曰

鯨鱖無夕命椿柯亦彫零神飄生滅境如雀飛空瓶鄉

口覆詠斯文則淚沾凌石居士融正以妙味自怡何假

珠瓔出榮秀口作尚其仁素律貴其清方量欵木蘭出

洙露于夕滄秋菊出若英搗筍桂以認蕙子索胡繩出

纒纒安貧樂道并丹出流号忠清淳信子良出徒号輕
金樹福須達出綸号豁然孤舉出翰逍遙出塵出志是
故鄉彦呼出曰居士融乃怵然而噓曰觀世出歸死也
何異飛蛾出夕火焉慘隼羽出度牒悼蝴蝶出凌靈怨
蟬啼出漏徃悲霜帶而淚盈即共長兄浮陽太守文奴
元氏令文出邯鄲令或奴元氏令靈和昉子令靈宣長
兼參軍市出兄弟等孝友恭良願居茂於紫荆皆宦叙
衣冠出錦百里率鄉賢道徃二千餘人等竝信敬玄深
體空虛窳詳造三級浮曷凝禪寺出構蕭廓寶堂密靖
層葢耀於霞漢玉績躡於瓊珉飭以丹碧雕以仙形松
柳翠鬱井級淒涼鴻翻則雲波風嘯百籟吟居士融復

衢設義浪瓊膳

盈案

嗟迎愧送穆於文質至

沈作黃矣其處

口瞻埭埠霞羅出所藜蒼北城峻峙百王出固綿基東

有村口葑蔚連煙西滄口岌虞光翳而迴薄其寺妙像

精異遊眠忘歸所造出福仰資皇猷兼沈隆丞相休

永王公百司師僧父母識性出類梵水洗心常生淨樂

居士出善上昇人天下離沈鬼壤鄉義僉言曰管纖容

出功尚詠於金蕭片瓦出施猶頌於遺陵况居士融建

斯景福豈得箴聞哉恐靈迹勝因空傳無記故鄉人中

兵參軍鄭鑒已義二千等慕海春出餘韻羨雙鶴出追

仁乃相與託鍾山以詮妙軌刊玄石以颿鴻芳當使涿

竹出彩長搖於紫風清松出碧永輝於素月其詞曰

森森冲覺寂寂虛清塵中獨鏡霧里孤明龍口現跡素
木歸靈玄墓垂影雪山流紅原作口沈作顏同習今言
共聲明珠泣醉羊鹿悲嬰林蔭沈水深虬翔雲枝嶠鷺
風遠給孤化移金粟愛集文殊來儀鈿梯重秀枯蓮更
猗遺芳出軌妙猷仍玄濁浪澄曦响聘凝淵口士祖和
兄弟貞賢體茲四空五有非玆率鄉徯營斯福田津
流遐劫果鍾人天祗菴還日提河再年惠風蠲拂昏境
除煙

大魏元象二年歲在申二月乙未朔口口五日己酉造

刊口沈作訖沈有

下截題名

撫軍將軍段州長史河東侯薛安民 趙郡太守趙伯

才 博陵太守趙里堂沈作安東將軍銀青光祿大

夫秦州別駕金城太守趙元龍沈作高柳太守趙武

欣 鉅鹿太守趙問石 廣平太守趙稚 勃海太守

趙王 華陽太守趙太周 趙郡太守趙元顯原作

廣陽太守趙曇度 樂安太守趙世顯 常山太守趙

盤平原太守趙神德 齊郡太守趙神扶 蘭陵

太守趙珠 常山太守趙領樹 襄城太守賈蘭根

代郡太守賈洛齊 鄉郡太守賈高沈作 廣川太守

賈王 樂陵太守賈道貴 城陽太守程文生 伏波

將軍大行臺下帳內別將程顯邕 伏波將軍程鸞鳥

鎮遠將軍程景遵 靖境別將程零遵 芝陽太守

劉班庸 下邳太守侯貳安 芝陽太守侯畱尔

山太守寇金柱 趙郡太守寇曇榮 沛郡太守寇超

世 廣平太守寇甫 佗虜府長史馬市買 北平太

守寇僧悳 元氏令趙芳林 廣平太守寇道以上

列 趙太守趙法貴 鉅鹿太守呂市保 伏波將

軍路沈作縣令趙口化沈作 安戲令趙道安 九門

令賈曇受 元氏令張奴 高邑令張榆 元氏令趙

崇口 趙郡切曹郝市邕 高邑令劉次保 平鄉令

賈糾 州西曹賈仲業 南官令程詳 深翟令程沙

迷 南宮令程武安 口子令程口口 平鄉令程翹

毋懋令程萬興 元氏令程曇金 毋懋令范聽

伏波將軍程顥和 欒城令杜思和 中水令趙景林

元氏替護褚景馥 殿中將軍吳慶和 信都令侯

拒 趙郡五官褚悅 趙郡主簿褚豐礼 趙郡五官

楮文仲 易陽令寇倉 羸州主簿董景和沈 鎮城

長史侯早 曲陽令江口 九門令王口 郡主簿趙

和以上第 趙口口 趙延興 賈雙 趙延口 賈

常口口口口 趙口 趙顯明 趙蘭蕭

王和 王灰 賈明 趙買奴 趙零祚 郭季口

賈口興 王零秀 王長初 賈白金 賈安民 劉

莫生 劉口 趙就 趙海肅 趙景蘭 吳槃虬

郭敬族 趙仁沈 趙金庸 趙顯祖 趙道沈 趙安沈

和 趙仁沈 趙金庸 趙顯祖 趙道沈 趙安沈

曾沈 趙顯興 李劭 劉顯補 賈僧珎

趙顯興 李劭 劉顯補 賈僧珎

程沈 趙季 趙蘭 張生

賈鍾葵 趙義和 趙守沈 良 郭興 賈

王仲 王蘭智 楊神 賈蘭進 劉神周 劉

和 趙鑒 趙醜 趙大黑 吳天安 郭顯和

李貳綾 賈令 賈歡 楮神奴 趙起族 趙業

趙籍 董慶安 趙仲 賈延 賈生 程

嵩以上第 趙和 程景略 趙蕭胎 賈虬 賈道

洪 賈興羅 當明 程羅辰 趙顯賓 景

郝 賈思寧 趙秀和 趙子方 楮盡愛 賈

銀柱 王貳龜 王級 雙榮 賈誨 劉懷德

劉真興 李哲 趙神 趙小黑 吳顯德 郭景

趙景庸 趙門 董思都 趙永 楮顯和 趙安其

趙景庸 趙門 董思都 趙永 楮顯和 趙安其

龍程 雲沈 陽以上第 楮守沈 都 時元遵

呂之龍 江貴 趙思和 趙興和 賈榮 程

興樂 趙元景 趙景 市遵 賈和 趙文

欣 張黑 楮洛世 賈都尔 王胡 王景略 賈

集 賈究 劉劉 劉元恭沈 趙方州沈 郭

新州 趙文保 吳觀和 郭僧通 榆真沈作小 趙

賈法珮 賈和 楮神慕 趙拒宗 趙延康 趙

馬生 董思業 趙洪賓 賈作元周沈作凡用 程

穎業以上第 楮市選 呂真貴 趙進興 賈賓生

沈作主 趙市遵 賈道景 賈文思 程景興 趙市

祖 趙景循 郝金 賈伏光 趙副勝 張零秀

楮族 賈零保 楮沈作呂滂漢 賈世穎 賈明法

賈連欣 劉伯鸞 劉慶和 趙慶遠 趙穎賓 趙

文雅 吳永沈作永 景 郭法秀 賈穎 賈寄生 梅

道穎 楮都尔 趙惠保 趙雙和 趙景遵 董思

義 呂僧 賈輝武沈作義 賈石賓 程明以上第

楮翔賓 趙令興 趙道樂 賈道鳳 趙景林

賈永安 賈口口 程景集 趙普安 趙僧田沈作因

郝玉 郝狄 賈延和 趙叔沈作紋 城 張零鳳

楮赫遠 賈金剛 王國沈作缺 賈阿醜 賈口口 賈

柱 賈沈作劉益壽 郝思良 趙蘭馥 趙零景 楮

嵩巖 吳同欣 李貴神 賈光穎 賈興口 賈乞

伯 楮穎仲 趙珎 趙市穎 李歡沈作獻 祖 董輝

禮 趙榮沈作缺茂 賈醜沈作缺漢 賈壽 程道沈作缺邑以上

列 范道欣 杜元伯 董口 賈穎賓 趙思義

賈念祖 賈詳貴 程伏生 甄嵩 趙景謨 郝穎

順 賈榮祖 趙悽愛 趙曇哥沈作盡 楮紹業 賈

敬妹 王仲興 賈勝生 賈伯興 董承 劉槃席

劉景括 趙善邑 趙景鮮 楮顯賓 吳遠志

程沈作郭僧順 賈新興 賈槃龍 賈口賓 楮石生

趙敬賓 趙雙好 趙延景 趙拒生 趙龍席沈缺

賈林義 賈顯 程零智以上第九列 范化 趙景勝

張延顯 賈景和 趙顯賓 賈祿 賈拒 程石

生 趙貴禮 趙伯暉沈作 郝穎舒 賈妙洛 趙

熙沈作罷 張慶祖 楮遵 賈方生 王悅 賈阿

仵 賈石珎 劉元沈缺 吳伯洛 吳超 賈口景

趙口口 楮貳兇 吳伯洛 吳超 賈口景

張曇顯 賈洛州 楮拒沈缺 趙顯和 趙文祖

趙黃奴 趙幼遵 趙七兵 程湧才 賈洛龍沈缺

程牛生以上第十列 楮樂疾 趙零遵 趙齊沈作廢 興

賈季林 趙景安 姬黑子 賈顯和 程難宗

趙季蘭 趙脩行沈作 郝穎純 賈思和 李光 疾

張清顯 郭桃沈作 仁 賈世運 王景穆 賈龍

賈大白 劉僧遠 劉安民 趙遵業 趙客 趙

市保 楮景興 吳顯祖 吳業 姬莫問 賈曇讚

賈世僧 潘口奴 趙口顯 趙元珎 趙恒素

趙難生 張進慶 賈雙槐 程口業沈作義 趙脩口

以上第十一列 郭和趙 楮零邑 趙馥 賈神 呂永

程敬妹 口伏安 趙塢生 賈伏興 賈明智 程

顯賓 趙季興 趙含沈作暉 趙詳生 賈天祿

李稚興 張永安 郭慶和 賈顯林 王賓 賈金

賈清尊 李洪升 劉忤 趙崇業 趙良賓 趙

赫昱 楮連 吳鳳 賈王申 劉紹興 賈洪醜

賈壽陽 楮實興 趙貳和 趙敬赫 趙業和 趙

升和 趙昆 趙伏和 程寧 趙沈作選 程景珎以上

列二 趙拒 劉紹 程 程 趙倉 趙

張洪 賈顯神 程敬赫 趙倉 趙

子盛 蘇孟纂 宋慶昱 趙元偉 楮循 豐達

賈洛生 王育義 賈 賈詳 柴文 劉顯

趙顯世 趙景和 趙神龜 郝清 王浪特

賈 賈周賓 賈待賓 賈阿又 楮延其 趙貳

趙海都 趙進 賈萇命 趙敬和 趙道旋 程

顯慶 程元徹沈缺以上

右碑無書撰人姓名繆篆額蓋疑禪寺三級浮圖之

碑頌十字也頌後書大魏元象二年歲在申二月乙

未朔 五日己酉造刊俱訖云云案魏書孝靜紀

元象改為興和在二年十一月此碑立於是年二月

故猶稱元象是年歲次己未來歲乃庚申碑云歲在

申誤又案通鑑目錄是年正月乙卯朔三月甲寅朔

後魏書北史孝靜紀亦云興和元年三月甲寅朔則

二月朔當是乙酉碑云乙未亦誤碑為元氏縣趙融

兄弟率鄉賢道俗二千餘人創造三級浮圖成其鄉
入中兵參軍鄭鑒同邑義二千人記事所立魏書官
氏志二大二公將軍開府始二三蕃王皆有中兵參
軍事鑒列銜稱中兵參軍而不冠以某府不知是何
府屬碑稱融遠祖某漢司徒公征東將軍都督內外
諸軍事冀州刺史趙郡公案漢書哀帝紀元壽二年
正三公官分職改丞相為大司徒續漢書百官志云
司徒公一人建武二十七年去大為司徒公終東漢
之世趙氏為司徒者質帝時趙戒獻帝時趙謙二人
而四征將軍置於漢魏之間漢獻帝初平三年以馬
騰為征東將軍是也都督內外諸軍事漢亦未有其

名始於魏黃初中魏志曹真傳黃初三年以真為上
軍大將軍都督中外諸軍事假黃鉞嗣後曹爽司馬
昭相繼為之則融之遠祖疑為劉元海父子之司徒
蓋前趙自劉曜以前國號曰漢逮劉曜僭立以水承
晉金始改漢為趙晉書載記云永興元年元海僭即
漢王位永嘉三年即帝位改元永鳳以劉歡樂為大
司徒通鑑永嘉二年冬十月丙午漢都督中外諸軍
事領丞相右賢王宣卒宣即劉宣也又劉聰載記光
興元年封其子粲為河內王署使持節撫軍大將軍
都督中外諸軍事據此知元海時固有司徒及都督
中外諸軍事之官矣然晉書載記及十六國春秋前

趙之世無趙姓為司徒者或係歿後所贈之官碑文載融長兄浮陽太守文奴等六人史皆無名列銜有長兼參軍者蓋即長兼行參軍見官氏志碑下截題名五百有九人其中趙姓最多程賈褚吳四姓居十之三四他如蜚姓榆小姓均不載姓氏書玉篇蜚俗蠶字碑中諸人自薛安民外皆不見史傳安民事蹟附見其曾祖野賸傳後魏書本傳云野賸曾孫忱字安民正光中襲爵稍遷鎮南將軍鉅鹿太守定州儀同開府諮議參軍齊獻武王大行臺左丞中外府司馬出為殷州驃騎府長史武定五年除鎮北將軍北廣平太守卒於郡贈征西將軍西兗州刺史傳敘忱

所歷之官正與碑合惟不言其為撫軍將軍通典云自魏晉以後刺史多帶將軍開府則州與府各置僚屬州官理民別駕治中以下是府官理戎長史司馬等官是碑列銜殷州長史者即傳所云為殷州驃騎府長史也又有鎮城長史其名不見於史案東魏武定七年張保洛等造象記保洛列銜稱口西大將軍儀同三司行晉州事東雍州鎮城安武縣開國侯又劉襲列銜亦云東雍州鎮城永寧子所云鎮城當即鎮將長史是其所署官屬又題名有元氏督護攷縣令屬官無督護刺史府屬有之當是刺史府屬或分駐元氏者耳又有口趙太守首一字泐當是南字南

趙郡見魏書地形志又有安戲令深翟令魏志定州
中山郡有安喜縣前漢曰安險後漢改安喜又定州
博陵郡有深澤縣晉曰南深澤後去南字喜戲澤翟
聲皆相近故得相通假又題名有褚貳兇王浪特李
貳綾馬市買諸名皆粗鄙可怪又有趙罷罷疑熊罷
之誤鄉郡太守賈寧龍龕手鑑亭都蓋反又有劉顯
楠趙零柞趙道旋李光族趙蕭胎趙襄興侯拒趙拒
宗等名凡碑字從示者多作木從方者多作木楠當
即補字柞當即柞字旋當即旋字族當即族字胎字
字書無疑即祐字拒說文給也一曰約也拭也讀如
振老即老字又啓質光啣於長夜流啣彩奠於重昏

質啣啣三字字書無啓質當是啓明啣或炫字啣疑
電字權影哀於羣宗字書無權字碑中從木者多作
木此當是權字擒即禽字字書無絹與胃同司馬相
如上林賦絹要裏師古曰絹謂羅係之也張衡西京
賦但觀且羅之所絹結注絹縊也又云春襁圓絲入
縹白口說文縹粗緒也從糸璽聲玉篇作縹此當是
繭字之別又渴即瀉字見集韻拯即拊之別體繭字
不見字書又碑中引楚辭字多不同朝飲作鼂飲墜
露作泐露矯茵桂作搞箇桂紉蕙作認蕙案漢書鼂
錯亦作朝錯鼂朝二字古通用碑作鼂乃鼂之譌體
耳欽即欽此蓋飲字之別體泐說文水所蕩泐也從

水失聲與溢同木蘭溢露似較墜字為勝當是所據
古本說文擣舉也本與矯通楚辭正作擣解綬即紉
之別體又酪即嗒字聲字字書無龍龕手鑑瓊字有
田佃二音黥即彫嘆疑善胆即眠姦字見龍龕手鑑
有皎眇二音又鈿梯重秀當即彫梯碑中字凡從彳
從亻者多互用北朝碑皆然從魚者作魚其餘別體
甚多不勝枚舉

沈濤常山
貞石志

按東魏元氏人趙融造凝禪寺三級浮圖碑後書
大魏元象二年歲在申二月乙未朔口口五日己
酉造刊歲在申者庚申之歲為梁武帝大同六年
西魏文帝大統六年即東魏孝靜帝之興和元年

也通鑑梁大同四年戊午東魏碭郡獲巨象送鄴
改元元象大同五年己未冬東魏城鄴以新宮成
改元興和蓋孝靜以天平五年獲象改元元象乃
頒詔於戊午而改元於己未元象元年十一月鄴
都成改元興和通鑑作十月錢
詹事辨其誤乃頒詔於己未而
改元於庚申此碑猶以庚申為元象二年者殆刊
訖於奉詔之前耳乙未朔下當是越十二字是月
五日己亥梁武耕籍田十五日己酉則此碑告訖
之日也又齊州刺史高湛墓志則書元象二年十
月因思諸史編年或非悉確齊召南南北朝年表
以戊午為元象元年己未為興和元年是泥通鑑

而誤趙融史無可考隋開皇中淮安之公趙芬碑
祖融云云乃芬十一世祖後漢右扶風大鴻臚見
元和姓纂此居士趙融者姓名偶同時代族望迥
別不得以之傳會也

碑文缺字據常山貞石志補注於旁其互異處
並注各字之下會側題字不錄陸增祥志

道俗九十人等造像銘

高三尺五寸廣四尺三寸中分五層上三層刻畫像
第四層刻造像記兩旁及下層刻像各列姓名銘二
十一行行八字年月一行約二十字並正書畫象
題字可辨者附載於後在河南河內縣北孔村

夫妙色湛然傲朱紫以顯其眞法性无為託形言而櫟
至德自非洞解虚字為能斯之歆者哉有清信士合

道俗九十人等敬心超猛志樂菩提造石像一區舉高
七尺咸竭瓊瑤鏤飭周訖綺麗金顏輝映楞伽翼藉此
傲因廣被群品願慧海漣漪四流息浪鐵圍無垢娑婆
玉淨帝道熙明普光訓世存亡眷屬并及塵沙龍花初
唱俱昇之覺 詔曰法身无像至道難名自非覺者孰
悟之經鑄金圖 狀 鏤玉摸露刊石櫟德永振休聲
大魏武 定元年 歲次癸亥十月甲申 廿七日乙卯建

按此碑記銘無缺銘從言作詔借假作傲標作櫟
虛作虚歛作歆哉作裁瓊作瓊瓊與瓊同此冀作
翼微作微眷作眷靈作靈休作休皆當時別體或
梵書仍用諛與孰通摸與摹通圖像漉湯題字可

辨者有云摩耶夫人生太子九龍吐水洗又五百
夫人皆送太子口檀毒山辭去時又太子得道諸
天送刀與太子別又定光佛入國又如來菩薩賣
錢與任女買口又此婆羅門又要婆羅門乞好奴
口又口太子乞馬時又黃羊生黃羔白馬生白駒
等字蓋圖像為釋迦降生得道之事後漢書西域
傳論曰佛道神化與自身毒靈聖之所降集賢懿
之所挺生注引本行經釋迦菩薩於南閩淨提生
天竺刹利種迦毘羅城白淨王摩耶夫人為父母
則知摩耶夫人生太子即釋迦菩薩也摩耶史記
大宛傳正義作莫邪浮屠經云臨兒國王生隱屠

太子父曰屠頭邪母曰莫邪莫邪夢白象而孕太
子生時二龍吐水一龍水煖一龍水冷遂成二池
今猶一冷一煖當即此碑所本而以二龍為九龍
要皆詭恠不經無足辨也造像九十人有書定光
佛主者有書開光明主者有稱都唯提者比匠比
匠僧者有稱邑主邑師邑母邑子者大都九十人
中邑子居其半路氏亦居其半如定光佛主前部
郡從事路達即路氏像主之有官職者餘人題名
下各有侍佛時三字銘後一行大魏武歲次癸數
字約略可辨乃東魏孝靜帝善見武定元年歲次
癸亥當梁武帝大同九年西魏大統九年河內三

石刻皆方彥聞大令履篋拓贈云年月無考字體當是北魏蓋拓本漶漫未曾諦審銘後一行也彥聞度藏金石與董生祐誠夙有同嗜今皆下世錄此無然

筠清館所載年月一行云大魏武定元年歲次

癸亥十月甲申廿七日乙卯建據以補闕其象

旁題字及道俗人姓名吳氏詳載之并錄於左

陸增祥志

太子得道諸天送刀與太子時 定光佛入國□□菩薩

花時 如童菩薩賫銀錢與玉女買花 黃羊生黃

羔白馬生白駒 摩耶夫人生太子太子九龍吐水洗

想師瞻□太子得想時 此婆羅門婦即生恨心要婆

羅門乞好奴婢□□時 三年□□婆羅門婦□時

五百夫人皆送太子向檀毒山辭去時 隨太子乞馬

時 婆羅門乞得馬時 太子值大水得度時以上十

中三列每行側皆有畫像皆畫佛始生成道之事 邑子□□郡主簿路惠顯

侍佛邑子劉壽侍佛時 邑子張□侍佛時 邑母張

□侍佛時 邑母王女貴侍佛 邑子路□侍佛時

邑子衛清侍佛時 邑子張達侍佛時 邑母史男容

侍佛時 邑母王阿駒侍佛時 邑母路堂姬侍佛時

邑子李廣侍佛 邑子程桃榛侍佛 邑子雷買德

侍佛時 邑母潘英仁侍佛時 邑母苟妙姜侍佛時

邑母張要好侍佛時 開光明主宋橋文侍佛時
 定光佛主前部郡從事路達維那法萇侍佛時 邑師
 法振侍佛時 邑主都維那法猛侍佛時 都維那法
 僂侍佛時 比邑法口侍佛時 比邑曇智侍佛時
 比邑道進侍佛時 比邑僧珍侍佛時 邑子口永口
 侍佛時 邑子路慶洛侍佛時 邑子路口侍佛時
 邑子閻惠口侍佛時 邑子王承伯侍佛時 邑子
 路儀遵侍佛時 邑子路恒伯侍佛時 邑子樊吳意
 侍佛時 邑子路儀和侍佛時 邑子路口侍佛時
 邑子路道買侍佛時 邑子路孟檀侍佛時 邑子
 苟雙口侍佛時 以上刻在左右及下方每行側皆有佛像

王雙庸等造像記

正書在山東東阿縣

大魏武定二年歲次甲子十二月辛亥朔四日甲寅東
 阿縣王雙庸法儀五十九人等知身無常財非已有是
 以謹竭家珍敬造觀世音石像一區上為皇帝陛下州
 郡令長師僧父母因緣眷屬一切眾生成同 福
 慶

王眾 石像主王雙庸 妻表光暈 息王大常 妻
 張妍姜 王暈 王榮茂 王榮起 王長貴 右第一列
 法儀王世通 法儀王方周 法儀杞法達 法儀王
 映世 法儀杞惠表 法儀王叔顯 法儀王廣送

法儀王庸 法儀張灰 法儀王增貴 法儀王神保

法儀王石拔 法儀王道暢 法儀王保興 法儀

張珎奇 法儀杞惠勝 法儀王霑暈 法儀張勛保

法儀王洛周 法儀王武勇 右第二列

法儀王桃棒 法儀王光周 法儀王慶賓 法儀張

盆 法儀王買 法儀王元哲 法儀王賓 法儀王

車 法儀杞榮秩 法儀王槃龍 法儀王景安 右第三列

法儀王文援 法儀王羨 法儀王延秀 法儀王万

榮 法儀杞承先 法儀張文遠 法儀王遵義 法

儀王奉先 右第四列

法儀劉墨驢 法儀杞世安 法儀王醜 法儀王洪

演 法儀王祚 法儀甄靖該 法儀袁元昌 法儀

王惠紬 法儀張証 比匠僧惠達 比匠僧惠文

比匠僧惠通 法儀高醜媿 法儀申姜 右第五列

左相菩薩主清州人朱仕相為父母造

右相菩薩主萬敬姜為夫妻

法儀袁景 法儀張惠通 法儀劉珎

都維比匠普明

法儀邊伯具 法儀□□□

法儀王思寧

造象人王氏居多法儀之稱始見於此暈即今之暉字其名墨驢者可為鄙俗 陸增祥志

僧惠造象記

武定三年七月在河內縣

延陵顯仲造像記

像座高一尺廣尺二寸十六
行行五字至二字不等正書

大魏武定七年二月八日甲午滄州安德郡平昌縣延陵顯仲敬造白玉像一軀上為皇帝陛下七世父母現在眷屬大小下至一切含生有識之類普同斯福

按魏書地形志滄州孝明帝熙平二年分瀛冀二州置治饒安領郡三縣十二有安德平昌據此記則東魏尚仍後魏之舊延陵姓顯仲名世本延陵氏吳王子季札居延陵因氏焉趙襄子有謀臣延

陵正是其後見潛夫論廣韻姓纂韓非子趙襄子時有延陵

生即延陵正也顯作顯本漢隸集古錄載綏民校尉熊君碑君功顯宿著顯封受爵顯顯令德字皆為顯凡从繇之字或書作累如濕為潔隰為隙之

類諸碑多有之

興化寺高嶺諸村造象記

高三尺廣一尺七行行二十六字正書在山西孟縣城北四十里興道村

唯大魏武定七年歲在己巳四月丙戌朔八日癸巳肆州永安郡之襄縣高嶺以東諸村台儀道俗等敬白十方諸佛一切賢聖過□□善生遭季運前不直釋加初興後未遭弥勒三會二聖中間日有□歎先有願共相

要約建立法儀造像一區平治道路刊石立碑以□之
功上為 皇帝陛下渤海大王延祚無窮三寶永隆累
級□德□世父母現存眷屬復願生生之處遭賢遇聖
徂佛聞法常循善業□至菩提誓不退轉此法界含生
同獲此能一時儀道

按東魏孝靜帝武定七年乃梁太清三年西魏大
統十五年也南北朝習俗佞佛託祈國福兼媚權
貴造象幾徧天下此稱渤海大王即高澄也武定
五年封渤海王七年八月為盜所殺八年五月齊
王高洋稱帝廢東魏主為中山王齊天保二年鳩
殺之謚曰魏孝靜帝造象延祚果何益也魏書地

形志肆州治九原天賜二年為鎮真君七年置州
領郡三縣十一定襄屬永安郡襄上利泐當即定
字道光元年五月孟縣典史丹徒張君序訪得之

金剛經碑

高八尺六寸廣三尺五寸正書三十
四行字數剝蝕難辨在河南河內縣

金剛般若波羅蜜經經文不錄

按書經刻經人及歲月皆不可辨以字體定之附
於東魏之後

西魏

邑子廿七人造像記

記刻石佛背高二尺四寸廣一尺五寸上截刻記十
二行行十七字至十九字不等下截刻題名二列並

夫至道冲嶷形言永絕是以如來託形王宮波教五等
使憐宗者尋悟有由合色子廿七人並慨曠以來六塵
竟或五蓋長翳沉淪莫返咸共割捨仰為 皇帝陛下
州牧守令已身眷屬造定光佛像一區緣此功德願國
祚永延始邁儀許化逸周漢又願歷劫先師七世所生
鍾天堂親滄聖訓寧思三空後志六度若徯洛三塗如
鳥飛空俄爾而過現在大小万畧和效年齊彭耋士極
高選傅公授爵珠淪華輦万葉不隧龍花三會願登初
首三界衆生等同斯願
色師比巨僧誓

色已支曜

色子張買

典錄袁僚

色子康萇

唯妮張賓

色子袁廻洛

色主賀醜

色子魏毛周

化主張從

色子

色謁劉伯歲

色子康元

香火韓早歡

色子康口

典坐袁豐洛

褒主七洪選

缺
太歲在甲子六月八日造訖

按此刻字體款式與曹續生吳神達造象記略似

歲在甲子當是西魏大統十年

六塵竟或或古惑字竟當即競字一變為竟再

變為竟也始邁儀許始蓋治之謫侯洛三塗侯

洛蓋誤落之謫陸贈祥志

劉氏造像記

高三寸八分廣一寸二分十一行行二字至七字不等正書在江蘇吳縣畢氏

大統十七年三月五日襄城行軍口小閔戌主始平縣

伯劉口口口七世父母所主父母亡息法顯造玉石像

一區頽亡者速度八難

按西魏文帝寶炬大統十七年辛未梁大寶二年

齊天保二年也三月魏主殂洪頤煊平津讀碑記

釋三月作十二月襄城行軍作襄威將軍小閔作

小間劉作副所主作所生並誤

北齊

邢多五十人等造象記

高二尺八寸廣二尺十六行行二十二字正書在山西孟縣城北四十里興道村興化寺

夫乾以振極遂通三裁露像告徵廓有開闢覆載潤流

養茲犁庶是以天生之民樹之以君非君無以里其民

非民無以顯其君聲動嚮應今故相承是以干戈晨動

出自非今堂堯至聖尚致阪隰之師周武之化亦與不

期之祿是以黑太逋寢假息開壘侯景拔扈苟存江佐

鼠竊之徒敢闕問鼎今我大齊格天心如承主廓四海

以為居坐太極如壽禪閣與契如同符魏乎以白日如並光堂如無能名焉若用梟禽二虜必如指掌未即誅勦寬待歸順是以廣○嚮豪立為督將弟相部領切茲醜豎邢多五十人等昔日封而居子孫留偶今在肆土為人領袖其人可謂天姿桀邁幹鮮明手圓弓連闕飛刀搖刃為帝所知○國○武藝之士實自孤絕一時偃蹇酋勇六難量者哉遂在合州發國大願令軍侶行還造○像一區經營尋就藉曰斯福成○發上願令皇祚遐○業化清熙澤洽九區恩過八極復令先亡現在合情能蚤同歸妙境

維大齊天保二年歲次癸未七月壬申朔十五日丙戌

字

按北齊文宣帝高洋天保二年辛未乃梁大寶二年西魏大統十七年是年春宇文泰遣楊忠攻拔齊汝南冬侯景稱漢帝故云鼠竊之徒敢闕問鼎宇文泰小字黑獺獺泰音近遂以為名史家或稱黑泰梁書蕭欽傳西魏相宇文黑泰此則省為黑太也此記肆州軍士邢多五十人等造像祈福當時字體紕繆北朝尤甚以如為而尚仍古義道光元年夏孟縣典史張君訪得之

三才作裁理其民作里唐堯作堂均合於六書通段之旨至以阪淥為阪泉以閔壘為關隴以

江佐為江左以壽禪為受禪皆北朝之陋習非必當時有是體也陸增祥志

宋顯伯等造像龕記并陰側

碑缺下截存者高三尺廣二尺厚七寸正中像龕左右及下方刻造像記碑陰五層上層佛像次層橫列邑社曹思等石像之碑九字篆書以下三層並像主題名後二行刻撰書人及建禪歲月兩側刻像并像主題名並正書

在河南河內縣

夫靈智冲龐應化之理不測玄言微妙津悟之徑難究是曰迷途失馭下劫心若轉蓬逐秋風而飄質隨緣取愛任著寯化如浮泡之遊水等烈下使力釣巨鼈能陷五山會与陽雪同消落葩俱注生滅相資解脫元期下世圓光普獎品衆生如赤子等万類於凶中吐法水以

蕩昏心舉惠登而下是群盲啓日終或僉曉筮則五駒

證道於鹿苑之始須跋獲果於下渡之宜既周現滅之

跡斯顯於是崑嶺潛下實相凝筮曾無去來但以應現

無方所下現於前周金色降於後漢是以像法日下邑

社宋顯伯等卅餘人皆體識吾空洞下毗救鴿之念下

愍羊噉屠削之痛下二八血祠之祈專崇法社減饒之

下菩提之路禽獸之命盡脩短之壽下用今在野王越

內廣福寺建博下向亭華麗奇狀罕譬彫容見相下文

金儀重見尔其寺也房堂下雜樹蔚茂人居四面星羅

若下響風馳遐迩雲會信是元下架啟善通養牲之途

詮文表况申慈心之美瑩茲下六覺冲虛翳智難測神

變無方周流百億一音演說隨下育王起塔傳軌中國

歷葉繼蹤虔成不或息緣去愛貪下顯顯壽寺勢置西

高靜行練僧像教日隆朝尋聖旨夕下郡迷聚會悟心

洞發止渠存生滅饌自罰絜已傲俗下碑陽

碑陰

石 碑 田 記 志 危 禱 坐 碑 九字陽文皆篆

書別體在石像下第一層

巨師父法略 廣福寺主僧寶 上坐比巨居惠藏

上坐比巨居僧津 比巨居惠姜 比巨居僧讚 比

巨居僧敬 比巨居僧勝 比巨居僧好 比巨居僧

要 比巨居僧暉 比巨居僧相 比巨居僧援 比

巨居薩花 清信士女賈同姬 比巨居阿勝洛妃

開佛光明主訶斯妃仁 口口女田容仁 石像下第一層十八行

巨主野王縣功曹吉貴

巨主河內郡五官口和

巨子太原賁赫口憐

靈翔將軍右稍菩薩光明主馬周

巨子開左稍菩薩光明主衛業

使持節高陽戍主開佛光明主梁永

巨魁河內郡前功曹王笈

巨魁 旨授洛陽令蓋僧堅

襄威將軍南面都督石碑主曹思

巳子右箱 菩薩主王万隼

南面像主前郡功曹西面都督宋顯伯此行當碑陰正

字出第

盪復將軍西面都督左箱菩薩主田思祖

巳子大齋主胡小買

寧遠將軍帳內都督齋場主孟璚

巳勉 官授野王令張暎族

河內郡光初主簿祭酒後事宋顯

巳勉前白口後事曹忻

巳子州口代錄事樂榮以上十八行在石像下第三層

巳下 巳子下 巳子民下 巳子犬下 巳子南陽下

下 巳子南陽下 巳子宋口口 巳子嚴口口 巳

子武威孟市口 巳子嚴洪口 巳子趙郡李灰 巳

子北平田祖悅 巳子馮翊吉邑 巳子梁國喬貴

巳子帳內都督也姪阿醜 巳子襄陵賈樹仁 巳子

河陽鎮司馬樂勤字長恭 河陽田曹參軍樂循礼石像

下第四層

都維艸伏波將軍防城司馬程洛文并書

大齋天保三季歲次壬申四月八日建二行在石像下三四層之後

像主征東將軍府主簿替軹沁二縣事楊榮刻石像

開佛光明主妻李和姬刻石像下以上兩行碑左側

像主征西將軍長流參軍替温縣野王懷縣河陽四縣

事表略刻石像

開佛光明主妻張阿容刻石像下以上兩行碑右側

按北齊天保三年四月野王縣城內廣福寺宋顯伯等造石像碑文程洛撰并書碑會南面像主為宋顯伯左右精菩薩主為田思祖王万雋石像主為曹思碑側楊榮表略亦稱像主碑文云宋顯伯等卅餘人今碑末層殘闕就所存計之已得五十八人疑法略僧寶及諸比丘尼乃後來儻刻不在四十餘人之内也歲次壬申北齊文宣帝高洋天保三年當梁元帝承聖元年西魏帝欽元年北齊承東魏之後懷州河內郡治野王縣隋開皇中更

名野王為河內縣即今懷慶府之河內也北齊軹縣沁縣河陽縣並屬懷州河內郡懷州温縣並屬懷州武德郡軹沁今濟源懷今武陟河陽今孟縣與温縣皆屬懷慶府終北齊之代河陽省入温軹二縣沁縣旋廢此碑為天保三年尚仍魏舊凶中即曾中古作匈此其省文也崑即驚不或即不惑或古惑字渠即殺餘不具載陸增祥志

李清造報德像碑

摩崖高六尺五寸廣四尺六寸三十行行四十一字正書在山東平定州東三十餘里石門口長國寺前

大齊天保六年歲次乙亥七月己卯朔一日庚辰鄉郡

鄉縣李清言蓋聞益天之明者莫若於日月益人之善者莫若於脩福是以一滄之惠扶輪之報為前父雖七兵尚書陽翼之五州刺史義同文靜公趙郡李憲司空文簡公李裕宋三公父子以禮待清得奉朝請而清德乏故賢無列頸之報去家五百里就邢邢開榆交式万里萇途百州路側造報德像碑磨數刊石万世不朽東越海崖而過秦壑車馬殷上無日不有云尔夫乾以簡易可久聖賢以作述為大麗天櫛懸像之用鎮地表成務之功顯晦唯丈人之迹語嘿蓋君子之道二經混其無為五緯彰其區別仰觀俯則遠物近身備諸禽跡可略言矣至於六十四卦藏用顯仁官先王者主於聖

王言后者通諸羣后言大人者大有聖德之人言君子者博開有德三百五篇無耶以葬皆欲納民軌物其於剋已復禮方之釋典曾何髣髴岱宗小宇宙泥濘狹秋水較之未舉馬豪察之殊少麟角愛河湛、操指於舟中朽宅災、爛頷於車下方知誓願剋成降鑒世界慈忍既就視現王宮放光明於大千燎華燈於深夜陽九作涂濡足於堯季陰六為災授手於湯日霞載比兩儀亭毒猶一子擾、四生職、三界何以拱之如北極仰之如東君者若迺千里一曲之河派崑崙而屬牛斗万舟避風之水導岷峨而直并絡連城之寶必挺於楚山照車之珍宜產於隨國馬形淋問尅昌於千古翫德

淳風必祀於百世懷月動夢嗽天成祉類任姒之興周
苛陰馬之隆漢光遠弥耀條布增芳非積祐之餘榮其
孰能與於此乎

皇 后趙國栢仁縣永寧鄉陰灌里人也分裂山河之
盛懷握瑾瑜之美史無闕文我略薛費祖儀同文靜公
金箱玉質取貴當季考司空文簡公桂茂蘭薰名揚身
後唯此公二先聖所遵俊皇欽德葉各產子十人五男
五女再世如一男懷衛珍王承之操咸體潤珪璋女履
恭姜伯姬之節皆心貞琬琰至如馬族丈夫五常取日
瓊氏婦人三賢擅美何竿張鈞子孫繁盛黃羊白環允
嗣不顯論家語德我實兼之有姓名者承華遠葉分流

涪源附驥尾而絕塵託龍鱗而高翥乘車食肉不假長
銜之謠升堂入室無勞囊錐之請葭莩之親迺枝遙十
世丘山之顧則潤過九里朝履清階鄉居右職增榮改
價二公之造焉加以宿殖善曰洞悟空假投軀已覺傾
心大乘體瞬息之不留識汨交之必盡營資糧於曠路
樹功業於福田初未脫於生死終不離於苦空波輪迴
星流電滅昔孔丘既歿子貢六季不返向苗已逝始春
三載不歸戶改薛曹門通德召夷甘棠勿剪韓起嘉樹
無忘痛以石槨輟炭無益於速朽珠襦玉匣有加於戮
尸鑿覆車於迷塗思改轍於今軌負土城墳之力用於
鷺山傳蘭薦菊之財施於鹿野斯則之先覺作範後昆

有義存焉可不尚歟民無德而稱焉烏菟輪虧寒暑迴
復滄海為原水將湛於金剛火垂燎於華想式刊鼎彝
永作橋梁其詞曰

管窺行健蠡測淪流真蹤遐闊辟此披求唯彼 調御
鑒我閭浮揚舲沸海舉燭重幽注水不竭傳火逾留明
懸離坎德邁迴游溜、 饗口敷、 峯石合浦任寸藍田
盈尺汁光失序蒼精承磨我有傲音已位宮掖親試經
典躬勞紡績高崖斯潤長瀾增激萁裘不墜冠蓋成林
家藏桓玉世挺南金男賢慕簡女潔還陰十六比德二
義齊音俱倬万頃竟竦千尋指掌拾芥跨古鷲今爰有
宋人老成夙惠託生已識投誠真諦食堪泮林庇陰藜

桂薄言報德營斯庄麗功大造推心弘濟陳信貞石傳
芳來裒空聞海竭軟俟河清陳駒易性日烏難倬春冰
始泮水淥山清秋風將肅葉下霜明民非城是洌實匠
平嗟々後世識此生榮 燕州釋仙書

按此碑北齊顯祖文宣帝天保六年李清作釋仙
書為李后祖父造像報德也北齊書文宣皇后李
氏諱祖娥趙郡李希宗女外戚傳李祖昇趙國平
棘人顯祖李皇后長兄父希宗上黨守后祖李憲
史所未及史云趙國平棘人碑云趙國栢仁縣永
甯鄉陰灌里人晉書地理志冀州趙國統縣有平
棘栢人太平寰宇記栢人後魏改為栢仁屬南趙

郡故此碑云趙國柏仁縣也東魏李仲璇脩孔子廟碑仲璇趙國柏仁

人也亦今本魏書地形志南趙郡領縣仍作柏人

又地形志并州領郡五縣二十六鄉郡延和二年

置即石勒之武鄉郡也郡治鄉縣北齊仍後魏郡

縣故李清為鄉郡鄉縣人碑在今平定州石門山

磨巖刊刻地當孔道故云百州路側邢邢乃井陘

字異甕口即石甕山皆與石門相近碑字鄉作鄉

充作兂希宗作兂宋關作關長作萇巖作巖朽作

杉標作榭顯作顯蔽作藜克作剋尾閭作澠澗猶

作猶導作導榮作榮孰作孰質作質後作侵族作

族葭作葭堂作堂親作親翦作翦竊作竊垂燎作

燎梁作梁窺作窺伎作伎徽作徽停作停皆當時

別體博聞之聞誤作聞波輪迴門通德功大造等

句皆有脫字至其書法高渾實為北朝傑作金石

家皆未見惟孫氏訪碑錄載之不詳何地不著撰

人平定州志藝文亦失載惟寺觀內長國寺在石

門口山崖下石上有五代李清言碑記以清言為

名失其義矣言與讓同可為舉例宋慶曆四年朝

城縣孔子廟記書建康劉之圖言蓋仿於此道光

元年秋沈太原琮方領州事袁輯所治金石文字

吏目新都曹君承彬於石門得此拓以見示亟著

錄之是冬十一月予應徵南還沈偕三原王孝廉

治上元王建曾無為黃世安兩文學永濟崔生曾
益祖道石門題名碑下同人圖詠紀別亦嗜古快
事也

一日庚辰猶言越一目也宇宙作窟窟乃古之

岫字尤繆

陸增祥志

宋王仁造象記

石座高二寸八分廣一尺三寸
十四行行四五字不等正書

大齊天保八年歲口丁丑三月口子朔八日丁未佛弟
口宋王仁為口息僧暢敬造石像一軀願史亡者口口
西方妙樂口口龍華上會先口口首見前眷屬咸同斯
福

按北齊文宣帝高洋天保八年為梁敬帝太平二
年後梁宣帝天定三年西魏恭帝廓四年願史亡
者使借史

邑義垣周等造象記

正書在河
南登封縣

蓋元宗凝湛至道冲曠既幽且遠似滅如存雖復天禎
地遊不究空冢之境日住月來詎盡微妙之域至於出
入四生迴遯六道无不頗已愛身視陰昔日矧惠莫之
留神力不能保而大慈應世法輪既轉群生於是迴向
庶類所吹歸依智禪師弟子靜明知生生之非有覺滅
滅之為空思運已於法船欲澡心於水以大齊天保

八年歲次丁丑十一月廿九日勸化邑義葺脩孫壘上
故塔并石象一區嵩山帶其左神堆俠其右南望脩嶺
北眺蒼河擢茲膝地建此良因於是名僧慕義上德依
仁庶以此福普及群生使國祚大康世業永固合邑諸
人俱昇寶舟同濟彼岸年往如流時事為屬唯刊与石
永為不朽其詞曰 神宗無極空寥難元唯見生滅交
互相翻仁師遠識建此良因東西勸化邑義同津脩營
故塔宛麗初新寶舟共汎捨偽歸真 邑子垣周 邑
子垣世 邑子垣豫珎 維郝垣慕業 邑子垣雙鸞
邑子垣景和 邑子垣世遵 邑子垣懿 邑子垣
景翼 邑子垣景淵 邑子垣化伽 邑子垣抱大

邑子垣子嵩 邑子垣子安 邑子皇甫子翼 邑子
垣景崇 邑子垣炎之 邑子垣清崔 邑子垣貴和
邑子張慶珎 邑子程黑奴 邑子垣春長 邑子垣
秋生 清信衛阿姜 清信程思兒 清信程顯姿
清信李清休 清信郭醜光 清信王明妃 清信張
明月 清信王綠葉 清信李薑 唯郝焦外 邑子
郭仲興 邑子郭業興 唯郝郭景安 邑子郭子嵩
邑子郭世櫛 邑子樂隆 邑子左智櫛 唯郝王
明太 邑子劉回周 邑子輔要顯 邑子田暈僑
邑子傅奴 邑子王元 邑子郭豐 邑子張遵和
邑子仇顯敬 邑子張天秩 邑子尹惠方 邑子劉

係佰 邑子樂凱生 邑子樂始洛 邑子楊顯宗
邑子王洪達 邑子趙幼賢 邑子王長嵩 邑子梁
市顯 邑子李子徽 邑子姜敬賢 邑子郭買 邑
子田德 邑子上官猛略 邑子孫遵 大唯郝楊昕
邑子梁胡仁 唯郝梁買奴 邑子辛景選 邑子
梁雀 邑子梁英略 邑子楊僧簡 邑子梁移都
邑子尹思集 邑子梁和宗 邑子梁思慶 邑子席
子栝 邑子楊荒 邑子席濂 邑子程買 邑子梁
仲達 邑子梁純陔 邑子范元尚 邑子梁伯壘
邑子郭肅仁 邑子尹元勝 邑子梁遵岷 邑子楊
長猷 清信梁阿好 清信宋歲姬 清信宋景姬

清信殺義姬 清信垣阿貴 清信梁客 清信梁獨
憐 清信張令容 清信張康女 邑子梁祖業 邑
子梁遺與 邑子梁遵琳 唯郝梁思達 唯郝梁廣
邑子梁仲孫 邑子鮑元海 邑子姜仲候 邑子
楊廣环 邑子張長洛 邑子趙景達 邑子鮑元隼
邑子李万洛 邑子鮑子洪 邑子趙苟仁 邑子
陳買歡 邑子席景傍 邑子楊仲礼 邑子鮑買
邑子王嵩辨 邑子鮑士達 邑子鮑先 邑子梁磚
邑子李石奴 邑子姜士忿 邑子鮑侯羅 清信姜
漢女 清信張令暈 清信韋業頰 清信温元容
清信梁先妃 清信馮映瑱 邑子楊紹 邑子尹榮

环 邑子嚴伏 邑子尹神龍 邑子郭慶遵 邑子
 陳林慕 邑子石永興 邑子楊幼儒 邑子江方騰
 邑子散長春 邑主韋廣 邑子梁庸 邑子梁奉
 恩 邑子梁盛 邑子梁慶恩 邑子梁樹 邑子梁
 儻 邑子梁進 邑子梁鐵庸 邑子王曇和 邑子
 索寶 邑子垣奴 邑子垣明柘 邑子垣榮貴 唯
 郝趙方成 邑子趙慶達 邑子趙娟業 邑子趙俱
 羅 邑子趙野虫 邑子田外達 邑子崔胡子 邑
 子支昕茂 邑子楊幼畧 唯郝梁元相 唯郝吉璜
 頭 邑子楊迴興 邑子吉清仁 邑子吉元可 邑
 子吉先華 邑子白 邑子龙亦康 邑子楊轄 邑

子張振達 邑子張世环 邑子範龍 邑子姜赫突
 邑子姜石庸 邑子姜庸頭 邑子垣始僂 邑子
 垣嵩寶 邑子垣羅漢 邑子垣沙弥 邑子垣太
 邑子垣小悅 邑子垣師子 邑子垣杲獲 邑子羊
 僧安 邑子羊貴宗 邑子垣略 邑子垣小奴 邑
 子垣榮世 邑子垣永安 邑子垣長昕 邑子楊長
 瑗 邑子郭仲景 邑子姜庸 邑子姜亢 邑子尹
 豐洛 邑子王宜弟 邑子郭益生 邑子張慶和
 邑子楊加奴 邑子楊神寶 邑子陽清和 邑子楊
 法良 邑子梁仲和 邑子梁仲達 邑子尹照茂
 邑子趙朋遠 邑子梁醜奴 邑子秦寶達 邑子傅

轉興 邑子孫永貴 邑子程洪敬 邑子垣子信

邑子尹懷德 邑子田琳 邑子梁長儒 邑子尹景

季

比正僧法應 比正僧僧論 比正僧道素 比正僧

僧岳 比正僧景略 比正僧慧略 比正僧法遷

比正僧僧度 比正僧僧暢 清信女梁定妃 都邑

主楊幼簡 都唯郝梁楷 邑中正垣雙鸞 都齋主

梁慶卅四仁苒 比正屋紹朗 比正屋僧和 比正

屋靜淵 比正屋僧照 比正屋惠通 比正屋光輝

比正屋道香 比正屋道斋 比正屋惠要 比正

屋惠壽 比正屋惠寶 天宮主龍相府仕曹參軍洛

州陽城令青州樂安郡大守梁胡仁妻章五光苒

鄉老舉雋敬碑

高五尺廣二尺三寸凡三截上截七寸題額四行行
三字中截二尺五寸記文十七行行二十一字下截
一尺八寸題名十七行行十

二字並正書在山東泗水縣

大齊鄉老舉孝義雋脩羅之碑以上截

唯皇肇祚大齊受命引軒轅之高口紹唐虞之遐統應

孝義以改物揚人風以布則於是緝熙前緒與顯上世

雋敬字循羅鑽土萇安食菜勃海前漢帝臣雋不矜公

之遺孫九世祖朗選官於魯遂住涿源幼傾乾蔭唯母

偏居易色承顏董生未必過其行守信志忠投杼豈能

着其心捨田立寺額在菩提酸味養僧纓絡匪悞救濟

飢寒傾壺等意少行忠孝長在仁倫可欽可美莫復是
 過蓋聞詮賢舉德古今通尚慝秀弊才雖曩自現余等
 鄉先壹伯餘人目曠其事豈容嘿焉刊石立石以彰
 孝義非但樹名今世亦勸後生義夫節婦 詔令所行
 其辭曰
 茶茶易色勉勉承顏孝同曾閔侍比丁蘭待如握髮接
 若吐滄酸味救飢解褐濟寒披幽釋古奉敬如來割已
 施造傾力捨財終終之念其性可哀鏤石壹朝千代美
 哉流芳萬古迹絕當今庶勸將來誰不肅心忠孝之外
 任世淨沉絕筆刊功志畢松林朱陽再現相訖南金訪
 石鏤文永保余心懸宗殞轉放筆留音

皇建元年歲次庚辰十二月戊寅朔廿日丁酉訖功

以上中截

鄉先孔

孫噉鬼

陳道顯

趙國

褚滕

達

褚箱明

陳太模

隽進可

劉當世

陳道朗

陳大曾

隽斌哥

褚榮祖

沈昨郎

隽金保

周榮祖

隽文度

隽力仕

彭群

沈伯周

隽竹龍

隽方茂

苗景集

沈肫生

隽文居

隽延歸

彭景達

華

隽衆

陳

隽畢

趙安福 隽口安 褚口龍 陳景祚

趙尊生 隽遊之 褚顯貴 隽安和

趙伯生 隽雙和 陳度世 隽副憐

陳景通 隽馬奴 魯永通 陳勝之

褚口口 隽蓋周 劉子洪 陳幼祖

陳天饒 隽无口 王暉宗 隽道康

陳暉祖 隽稍陽 公甫榮 隽遠達

陳義和 隽方與 隽勝口 隽美生以上下截

碑陰

維摩經見阿門佛品第十二經文不錄

按北齊孝昭帝演以乾明元年八月即位改元皇

建詔遣大使巡省四方觀察風俗按訪賢良故鄉老等舉隽敬應詔且刊石樹名也顧以立寺養僧為可欽美亦習俗之迷惑矣碑為隽美生寫字體亦多紕繆序曰易色承顏辭曰恭恭易色勉勉承顏易色本論語承顏即論語色難注中承望顏色尚見先儒經訓之遺仁風作人亦合於古

鎮池寺李磨侯造象記

縱橫各二尺六行行十字至十三字不等正書在山西孟縣城北二十里葛池村鎮池寺

唯大齊天統三年四月十日佛弟子李磨侯敬造鎮池寺一所石佛象釋迦一會以報前額皇帝万歲太保千秋文武百寮常居祿位 佛子李磨侯

佛弟子李造□佛弟子李顏卯□

按齊後主天統三年歲在丁亥乃陳光大元年周天和二年也天統二年以大司馬任城王湝為大保北史北齊書同此石亦孟縣典史張君訪得鎮池寺可補方志之闕

朱岱林墓志銘

裴本高廣行字不計正書
在山東壽光縣田劉村

君諱岱林字君凶樂陵濕沃人也自辛朝喪麻昌戶銜書親以建社賢尔啓國扶封於邾奄加茅土方曹拊壤媿魯稱雄別有由謚立姓因字為氏斯即去邑從朱蓋是殊方共致卯金則司空佐命當塗即領軍贊業慙在

晉嗣美表於趙番名所謂杞梓繼生公侯間起括人班挺衣冠代襲曾祖霸儒該匡素術盡從橫魏使持節平州諸軍事安遠將軍平州刺史俗隣壘場布以威恩醉酒空陳夜金不受於後謗言及樂讒巧乱鄴儵尔鷹揚翻然鵠起擁鄉里三十餘户來逝河南值元嘉之末朝多邑乱不獲其賞仍居青州之樂陵郡祖法强下帷耽藝閒靜自得舉秀才釋褐南平王府行參軍遷尚書祠部郎中禮閣有聲含香擅美後遷司徒府諮議參軍事亡贈鴻臚卿父孝祖清規勝範地美才高俄而魏高祖孝文皇帝熊羆覓駉蒼兕爭先化洽江湘令行天下錄奇異於巖藪訪隱逸於閭闔起家除樂陽縣令轉北海

太守流涕孟侯歌謠稚子從今對古並駕分駢君膺茲
秀氣稟是厚和五隸六里方珠比玉左智右賢擬龍齊
鳳得嗟蔡子見重侯相乖始十餘身離艱苦晨彌夕踴
柴毀骨立遂使鳩來栖集馬憊芻草精通飛走捺貫幽
明魏廣陵王愛善如蒼好書比德俾侯南服妙選英佐
託以金蘭徵為國常侍辭不獲已俛僊後職而侯羸荷
貯難交公子介推逃賞終遠晉文未踰十旬還以病解
後彭城王又以皇枝之貴作牧東秦名為主薄久而從
命王藉甚有素不苦抑遣終遂干木之心乃申安道之
志君雅量之地無際可尋元昆季弟推之京宦同於得
宦等槩榮枯含章韜綵蔽明晦用兄元旭散騎常侍出

除南兖州刺史弟尉業通直散騎常侍左光祿大夫高
冠映日長戟陵風響滿京華聲馳窟窟縣縱趙李之讓禮
食曾何足云魯恭之就平名詎堪方此魏廷慰卿崔光
韶侍中賈思伯並聰敏當世器居櫛時結四子七賢之
交飲醪接水之密留連宴喜付寫矜期黃門郎徐紘與
君意得言忘憂權居要恒思不次之舉還疑志不可奪
醮言之暇聊申傲旨君答云昔人有以術忤帝或遁質
辭王譬之鱗羽本乖飛伏而平生庸短未希簪綬如斯
之貺乞不加已紘愛人以禮兼相欽尚從其所好不敢
繫維普泰之平水德不競蒼雲蓋軼紫日生天烏合蟻
徒聚三齊之地豎牙鳴角隼十二之險不異井中虛言

聖出何殊轍口妄号神人扶本塞源摧蘭天桂春秋五
 十有四遐迩悲噓聞見涕零惟君大度不羣峻懷孤上
 託宿假道唯仁與義規矩成則物我無忘非夷非惠不
 石不玉惻隱同於子魚友悌侔於伯雅何忽儋山石析
 智士遠傾以大齊武卒二季歲次辛卯二月乙卯朔六
 日甲申塋於百尺里東五里第四子敬脩自惟羅此荼
 毒眇然咳勿離奇以生龍鍾而立窮而圭子温慙閔霽
 岵山雅陟過連無訓携錫而感言下集冠之禽攀松弗
 昭寧降成墳之鳥空追士季瞻像載興傷慟日殫觀狀
 益增酸哽磬茲鄙拙式序激猷思與泣俱文兼涕落先
 言多不備述注行蓋是闕如良由才非作吝情隈無次

從父兄敬範史君伯第三子脫略榮華不應傲躄沉深
 好古尤工摘屬勒銘黃壤以播清風辭曰

本自高門世資陰德後來位重人無才識運海鱗奇搏
 搖翅力繁枝不已清瀟焉息其唯祖英毅唯父深沉飛

纓鳴玉作範垂音仍生東箭遂挺南金素榮俱美出處
 今心其有應純和義望餘耀嵒風阮德梁遊大釣松于

君子藝才何劭闕里儒英瀨鄉其妙三道王天崖志輕
 人爵菊藜危坐貂裘採藥楚漢兒戲仁確寡廓我如曾

閔何論許郭其虛言輔善寶驗無親石雞既落儋山尔
 淪少微之應遂屬高人悲王難序痛霍何陳其仁厚慶

鍾育斯才彦感階武日過遲鯉盱似鳳方鳴如龍比絢

遺孤在笈藪焉誰見其伊何慈顏弗覩忌朝不食
隣人罷祖比學西河擬文東魯述獻者固情深陟其帖
魚山卒志門豹遺風丹青已寫因空方崇思人下淚瞻
蓋悲空山川不易規猷詎終其嗟猶子瞻儀在管荷
恩惟訓依齋如覲頌雅因詩國文託易追思素道敬鑄

石

按岱林兄元旭魏書有傳其除南兗州刺史則傳所
未載岱林官不大顯其弟肄業通直散騎左光祿大
夫亦不得附書何也霸官安遠將軍平州刺史傳既
失書而以曾祖為祖則誤之甚矣岱林不樂仕進與
黃門郎徐紇善而不為紇所維繫可謂能避患矣而

卒不免為羣盜所害士大夫遭亂世而不及於禍豈
非天幸乎誌文云弟四子敬脩自維羅此荼毒眇然
咳幼離竒以生龍鍾而止立誤磬茲鄙拙式序徽猷
思與泣俱文兼涕落從父兄敬範沈懷深誤好古尤
工摛屬勒銘黃壤以播清風蓋誌為子敬脩所撰而
銘詞則出於猶子敬範文皆雅贍在魏齊之間可稱
高手漢書地理志濟南郡有般陽縣師古音盤魏書
地形志作盤陽此碑作槃陽古字皆通用也碑書閭
闔為閭攔廷尉為廷慰清瀾為清瀾以術干帝干作

汗皆異文潛研堂金石跋尾

碑云廷尉卿崔光韶侍中賈思伯黃門郎徐紇案各

傳載崔光韶為廷尉卿在孝莊初年時賈思伯卒已
 三載矣思伯仕明帝朝終于侍講不言其為侍中或
 史失書徐紇為黃門郎亦在靈太后及政之初三人
 官位先後參差蓋碑是摠叙前事約略言之非與史
 異也二月乙卯朔六日甲申乙卯乃已卯之譌羅此
 荼毒羅與罹古字通用山左金
 齊書岱林兄元旭傳云元旭官終義州刺史誌云散
 騎常侍出為南兗州刺史傳所未載誌云廣陵王徽
 為國常侍彭城王召為主簿廣陵王羽彭城王勰也
 碑例稱君自漢已然此誌以子稱父亦曰君則前此
 所未見通用之字如輟作愞喜作熹孩作咳罄作磬

別體字如棘作棘芻作藟標作標對作對凡从彳之

字作彳皆是古誌石華

右墓志正書字徑四五分四十行行三十四字今在
 青州壽光縣田劉村文云兄元旭散騎常侍出除南
 兗州刺史攷魏書本傳不載南兗州刺史可以補史
 之闕元旭傳以霸為祖且無官安遠將軍平州刺史
 文皆當據碑攷補碑沃作浹冠作冠巧作巧亂作乱
 幡作翻閭閭作閭攔對作對潤作潤皆當時俗字邱
 素即邱索素素古通用槃陽漢書地理志作般魏書
 地形志作盤按說文又作槃盤本槃之重文籀文从
 皿漢書用古省魏書用籀文碑用說文本字也甞勉

作俛僂尉作慰干作忤皆假借字孩幼作咳說文本
作咳古文作孩此從說文扶搖之扶作搏當是木旁
搏字說文云搏桑神木日所出也今人書搏桑字亦
作扶則扶搖字或本亦作搏後人誤改耳古泉山館金石文編
碑云魏高陵王俾侯南服妙選英佐僚誤佐徵為國常
侍彭城王又以皇枝之貴作牧東秦名為主簿魏書
廣陵王羽傳高祖時除使持節都督青齊光南青四
州諸軍事征東大將軍開府青州刺史彭城王勰傳
邵襲封世宗時除使持節假散騎常侍平東將軍青
州刺史然則碑所云廣陵王即羽彭城王即邵也岱
林以普泰之年為三齊羣盜所殺前廢帝紀普泰元

年七月鎮遠將軍清河崔祖螭聚青州七郡之眾十
餘萬人圍東陽東陽青州治岱林之卒當即在此時
以武平二年二月六日葬距其卒時已三十年矣詳

讀碑記

窮而匡子而讀為如隈借作猥門豹即西門豹

玄借作縣陸增補志

道興造象并古驗方

武平六年六月在洛陽萃編所載未全也


案此刻已載萃編曩所蓄拓本中有兩小紙為
萃編所失載惜出都時未經攜出無從據補陸增

志

北周

南崇雋等造象碑

武成四年碑未詳所在



金石續編卷第二終

金石續編卷第三 隋

武進陸耀燾纂

太倉陸增祥校訂

隋

千佛山造象記七段

摩崖高廣字數不等
正書在山東歷城縣

劉景茂造象

大隋開皇七年歲次丁未正月十五日弟子劉景茂知
身非恒疾踰露草是以敬造 彌勒像一區伏口 皇

帝 石泐四字 臣僚百官 石泐四字 十世師僧父母見存眷屬一切

石泐 衆生共同口福

時皆殘造象

開皇八年五月十五日時皆□□為□□□□敬造釋迦像一□□法界衆生

李景崇造象

維大隋開皇十年歲次庚戌八月丙辰朔八日癸亥弟子李景崇所知身非永固素軀難存機變無留生化有易是以敬造阿彌陀像一區并二菩薩上為皇帝陛下師僧父母見存眷屬一切衆生成同斯福

宋去疾造象

開皇十一年五月廿三日宋去疾為亡父母亡姑敬造彌勒像一區上為國王帝主師僧父母見存眷屬咸同斯福

大像主吳造象

大隋開皇十三年歲次癸丑□三月十三日大像主吳□□合家眷屬遂割生資敬造阿彌陀像乙區願共一切衆生同登收□□□□□□保天壽

楊文蓋造象

大隋開皇十三年歲次癸丑九月戊戌朔十二日巳酉佛弟子楊文蓋領都工人為亡父母敬造彌勒像一軀并二菩薩上為皇帝陛下師僧父母居家眷屬邊地衆生成同斯福

女口從等造象

女口從息金政女金暎女毛仁開皇十五年正月十二

口造

唵嘛呢巴弥吽

此六字別為一行
縱橫各二寸許

按今濟南府歷城縣南歷山一名千佛山蓋因造象之多而名也茲就拓本錄之開皇七年至十五年凡七段訪碑錄有開皇十年吳口十三年宋僧海妻張公主十五年女花紅等造象記元年口口十五年口口題名未見拓本不錄其七年鄧景口乃劉景茂之誤十一年宋去疾十三年吳口口十五年女口口從息金政等記則孫氏所未錄也以所蓄拓本校之八年造象時下是昔字吳氏筠清館亦作昔十五年造象政上是君字上

是毛字

毛三之俗體

此作皆作金作毛今依原書錄

入仍附志之又案十一年造象宋下二字吳作去疾原缺今據以補入濟南金石志作叔敬前跋所稱十三年造象記一刻吳氏載之余亦得焉吳氏所載尚有十二年安永照一刻並識之

陸增祥志

驃騎將軍鞏君墓誌

石縱橫各一尺八寸三十一行行三十二字正書篆額題周驃騎將軍鞏君墓誌九字在陝西武功縣署

周驃騎將軍右光祿大夫雲陽縣開國男鞏君墓誌銘公諱賓字客卿張掖永平人也自壽正之山卿雲照三星之色襄城之野童子為七聖之師繼喆傳賢肇終古

而長懋垂陰擢本歷寒暑而流芳曾祖澄西河鼎望行
滿鄉閭後涼名拜中書侍郎建威將軍玉門太守屬涼
王無諱擁戶北遷士女波流生民塗炭乃与燉煌公李
保立義歸誠魏太武帝深加礼辟授使持節大鴻臚
散騎常侍高昌張掖二郡太守封永平侯贈涼州刺史
祖幼文西平鎮將孝天慶汝南太守政脩奇績世襲茅
土州閭畏憚豪右敬推家享孝子之名朝指良臣之譽
門稱通德里号歸仁公惟岳惟神克岐克嶷幼而卓尔
爽慧生知長則風雲英聲自遠永安二年後隴西王尔
朱天光入關任中兵衆軍内决機籌外搃軍要除平東
將軍太中大夫周太祖龔之關河公則功衆草創沙苑

苦戰勲冠三軍封雲陽縣男邑五百戶大統十七年除
岐州陳倉令周二年除敷州中部郡守厯居宰莅民慶
來蘇野有三異之祥朝承九里之潤保之二年授司土
上士四年遷下大夫濟濟鏘鏘允具瞻之望兢兢譽譽
見匪躬之節天和二年授驃騎將軍右光祿大夫四年
任豫州長史別駕駿驥之起千里之清塵鬱鬱鳳林
灑三春之愷澤君子仰其風猷小人懲其威化諒人物
之指南寔明君之魚水俄以其年十二月邁疾薨於京
第春秋五十有五夫人許昌陳氏開府儀同金紫光祿
大夫岐州使君西都公豐德之長女也繇翔飛鳳則四
世其昌天聚德星則三君顯号清音麗響与金石而鎗

鏘秀嶺竒峯隨風雲而縈鬱夫人資光稜采稟教嚴閨
淋慎內和容言外皎高門儷德君子好逑保芝元年先
後朝露春秋卅五爲仁難恃天無蠲善之徵樹德遂孤
神闕聰明之鑒倡隨俄頃相繼云已逝者如斯嗚呼何
已公夫人之即世也時鍾金草齊秦交爭車軌未并主
祭幼沖且隨權塵今世子營州總管司馬武陽男志次
子右勳衛大都督上洪男暉運屬昌朝宦成名立思起
藜莪心纏霜露攀風枝而永慟哀二親之不待陟岵岵
而長號痛百身之罔贖乃以今開皇十五年歲次乙卯
十月丙戌朔廿四日己酉奉厝於雍州始平縣孝義鄉
永豐里高岸爲谷愚公召王屋之山深谷爲陵三州塞

長河之水懼此賀遷故以陳諸石鏡銘曰

白帝朱宣寔粵金天西河良將張掖開邊承暉接響世
挺英賢賢哉上喆時之人傑夏雨春風松心竹節肅等
霜巖清同冰潔司戎幕府作守敷陽蝗歸河朔瑤兒陳
倉大夫濟濟士寔鏘鏘文龜玉印紫綬金章首儵驥足
曜此龍光必齊之姜必宋之子儷德高門家榮桃李行
滿婦歲聲揚女史春秋代序春非昔春閔人成世世不
常人精華已矣空想芳塵疇日但逝時屬屯窮蒿里尚
隔黃泉未通孝于惟孝追遠追終卜茲宅穴此幽宮
山浮苦霧樹動悲風流水噎水上月澌空悠悠自古冥
冥皆塵

嘉慶已卯四月偃師段嘉謨訪出此碑於武功之南鄉移至縣署大堂南海吳榮光觀并記

銘云孝于惟孝論語書云孝乎惟孝友于兄弟漢石經及皇侃本孝乎皆作孝于此銘亦用古本可見乎字改在隋後矣又云樹勲悲風勲當作動又云冥冥皆塵與上東韻不叶塵當是同字之譌古誌石華

右周鞏賓墓誌銘首尾共三十一行行三十二字字徑五分志敘賓之曾祖澄後涼召拜中書侍郎建威將軍玉門太守屬涼王無諱擁戶北遷士女波流生民塗炭乃與燉煌公李保立義歸誠魏太武皇帝深加禮辟云云以魏書攷之沮渠蒙遜據張掖魏世祖

神麴四年拜為涼王蒙遜死子牧健梁書作茂度為魏所

滅策拜其弟酒泉太守無諱為征西大將軍涼州牧

酒泉王後遣鎮南將軍奚眷討之無諱奔走遂渡流

沙士卒渴死大半無諱後據鄯善又并高昌病死梁書

謂無諱據南昌稱王一歲而滅李保者後梁李嵩之孫後梁為沮渠

蒙遜所滅保奔伊吾臣於蠕蠕後無諱遁走保南歸

燉煌復先業奉表歸魏世祖授保使持節侍中都督

西垂諸軍事征西大將軍開府儀同三司領護西戎

校尉沙州牧燉煌公李保史有傳保傳作寶志又敘

賓永安二年隴西王尔朱天光入關者攷史傳尔朱

天光乃尔朱榮從祖兄子万俟醜奴僭號魏除天光

雍州刺史以討醜奴破擒之關中平莊帝進爵爲廣
宗王尔朱榮死尔朱世隆等推太原太守行并州事
元颯爲主乃以天光爲隴西王皆與史合惟本紀載
天光討醜奴平關中事於永安三年此作二年爲異
碑又有周太祖龕定關河公則功參草創沙苑苦戰
勲冠三軍云云攷周書本紀魏大統三年周太祖錄
尚書事引軍入關齊神武率衆渡河太祖造浮橋於
渭南冬十月壬辰至沙苑齊神武引軍來會遂進軍
合戰大破之斬六千餘級降二萬餘人齊神武夜遁
追至河上復大克虜其卒七萬留甲士二萬餘悉縱
歸收其輜重兵甲獻俘長安即碑云沙苑苦戰之事

也碑敘賓歷官岐州陳倉令除敷州中部郡守司土
上士下大夫授驃騎將軍右光祿大夫任豫州長史
別駕攷司土上士之名不見於魏書官氏志而隋書
百官志載周太祖所改官制及周書盧草傳亦止有
上士中士下士之目皆不詳司土上士賴此刻傳之
實與澄兩世俱爲顯官而史皆無傳且據志謂賓沙
苑苦戰勲冠三軍而史亦無一語及之又賓之子志
與圍仕隋一爲營州總管司馬武陽男一爲右勳衛
大都督上洪男隋史亦皆無其人史之漏畧固不少
亦人之顯晦有幸有不幸耶此志文辭楚楚可觀字
亦不甚俗且首尾完善銘詞孝于惟孝句本論語書

云孝乎惟孝友于兄弟也孝乎之乎漢石經及皇侃義疏陸德明釋文俱作于義疏曰于於也惟孝謂惟令盡於孝也又集解包咸曰孝乎惟孝美大孝之詞此銘乎作于又以惟孝斷句與潘岳間居賦同足徵隋人此文于尚未作乎亦以惟孝斷句矣惠徵君棟謂後儒据晉世所出君陳篇改孝于爲乎以爲孝屬下句恐未盡然据此文乎作于疑今論語注作乎亦後人所改又攷漢書王莽傳皆曰安友于兄弟亦是漢人以惟孝爲句讀之一證閻氏尚書古文疏證云案虞山錢尚書家藏洹熙九經本點斷句讀號稱精審亦以孝乎四字爲句先是張耒淮陽郡黃氏友于

泉銘曰孝乎惟孝友于兄弟張齊賢承真宗命撰弟子贊曰孝乎惟孝曾子稱焉太平御覽引論語曰孝乎惟孝友于兄弟唐王利貞幽州石浮圖頌曰孝乎惟孝忠爲令德梁元帝劉孝綽墓誌銘曰孝乎惟孝與武陵王書曰友于兄弟則知改從君陳篇讀者自朱子始書益稷懋遷有無化居懋遷尚書大傳作質遷此文有懼此質遷之語攷三蒼及小爾雅後漢書章懷注並云貿易也易與變同義蓋以質遷爲變遷也說文寶古文窳而廣韻玉篇直作瑤又保與寶通易繫詞聖人之大寶曰位孟喜本作保史記周本紀展九鼎保玉集解引徐廣曰保一作寶春秋左氏傳

盜竊寶玉大弓公羊傳作保保古文保字保俘形近
 故春秋莊公六年齊人來歸衛寶寶誤為俘此志文
 稱李寶作保銘詞寶見陳倉作瑤亦皆與古合又龕
 定關河之龕似借為戡亂之戡魏齊造象記龕主有
 作堪主者堪與戡皆從甚得聲故戡堪皆可與龕通
 借惟樹勲悲風之勲當為動而多四點作勲則聲義
 俱別未見有通用者其揖作搢惠作懋苑作苑瘞作
 瘞纏作纏攀作攢箴作箴皆當時別體字古泉山館金石文編
 按志鞏賓曾祖澄始仕北涼及沮渠無諱北遷乃
 與燉煌公李保歸誠於魏李保史皆作李寶魏書
 李寶傳世祖討沮渠無諱於燉煌寶遣弟懷達奉

表歸誠授使持節侍中都督西垂諸軍事鎮西大
 將軍開府儀同三司領護西戎校尉沙州牧燉煌
 公通鑑元嘉十九年四月沮渠無諱將萬餘家奔
 燉煌西就其弟安周據鄯善其士卒經流沙渴死
 大半李寶自伊吾入據燉煌繕脩城府安集故民
 九月無諱據高昌李寶奉表平城魏以寶都督西
 垂軍事云云誌稱涼王無諱擁戶北遷生民塗炭
 燉煌公李保立義歸誠與史悉合惟鞏澄之名不
 見於史耳北魏孝莊永安二年為梁武中大通元
 年是年六月魏以尔朱天光為并肆等九州行臺
 仍行并州事天光至晉陽分部約勒所部皆安誌

稱從天光入關正指此也周太祖龕定關河沙苑
苦戰謂大統十六年宇文泰伐齊之役龕與戡同
楊子方言劉龕南陽是也沙苑即今同州之沙苑
周二年者明帝宇文毓二年為陳武永定二年後
梁天定四年北齊天保九年時周末建年號次年
始號武成也周天和四年年五十有五則生於北
魏延昌四年為梁武天監十四年永安二年入關
時年十五大統十七年年三十有七周二年年四
十有四保定二年年四十有八天和二年年五十
有三夫人陳氏以保定元年即世年四十五則生
於北魏熙平元年少公二歲自周天和四年至隋

開皇十五年凡越二十七年始得捫厝雍州始平
縣即今西安府興平縣孝于惟孝本漢石經論語
此石嘉慶中出土偃師段襄亭嘉謨時宰乾州之
武功購得之武功與興平接壤也

脩梵石室誌銘

石縱橫各一尺九寸十七行行十七字正書在山東益都縣李氏

故比匠尼釋脩梵石室誌銘并序

比匠尼諱脩梵俗姓張氏清河東武城人瀛州刺史烈
中第三女幼而爽晤規範閑明有同縣崔居士南青使
君中第五子以德義故歸焉未獲偕老而君子先逝遂
發菩提心出家入道不意法水常流劫火將滅自開皇

十三季八月廿三日終于俗宅春秋九十有一十五季
十月廿四日窆于石室兄弟相撫貫截肝心烏鳥出心
終天莫報先王制禮抑不敢過馮翊吉子才高學博請
揆其詞式昭罔壤

留城祚土趙都建国代育喆人門多通德王祖王父育
文育則駐馬期童褰襟述職載旌澍質天資柔惠梁婦
辭榮萊妻避世心遊心覺行依真諦超彼豚津渾茲善
誓電多急影泡是虛緣形歸掩石神住開蓮春鶯朝喚
秋螢夜燃伎令鴉泣匍匐空山

張烈魏書有傳字徽仙其先清河東武城人徙居齊
郡之臨淄封清河縣子後為瀛州刺史又青州崔氏

有僧淵者魏書附崔元伯傳北史避唐諱作僧深曾為南青州刺史有

六子其第五子名祖螭普泰初與張僧皓謀叛誅脩
梵終於開皇十三年年九十一是生於梁天監二年
祖螭誅時年二十九歲其夫似即祖螭而誌諱言之

所謂南青使君指僧淵也山左金石志

誌書瀛作瀛爽作爽馮作馮載作載又德彼徒三字

皆作人旁褰褱當是褰褱皆別體也筠清館金石記

右石室志十七行行十七字正書字徑七八分在山

東益都縣志序尼諱脩梵俗姓張氏為瀛州刺史烈

之女歸崔居士為南青使君之第五子因先逝乃出

家人道後云終於俗宅窆於石室兄弟相撫貫截肝

心烏鳥之心終天莫報先王制禮抑不敢過後銘詞
云徒令孺泣匍匐空山則脩梵之爲尼乃在家奉道
並非削髮空門者其所謂兄弟蓋謂其所生之子也
石室者即塔也不言塔而言石室者亦因其終於俗
宅也又云馮翊吉子才高學博請挾其詞則此文爲
吉子所作而不言其名脩梵爲瀛州刺史張烈第三
女攷烈後魏書有傳云字徽仙清河東武城人高祖
賜名爲字焉曾祖恂隨慕容德南渡因居齊郡之臨
淄少孤貧涉獵經史有氣槩時青州有崔徽伯房徽
救與烈並有令譽時人號曰三徽厯官至安北將軍
瀛州刺史爲政清靜吏民安之更滿還朝因辭老還

鄉里兄弟同居怡怡然爲親類所慕元象元年卒於
家時年七十七先爲家誠千餘言並自敘志行及所
厯之官臨終敕子姪不聽求贈但勒家誠立碣而已
有二子又攷唐書宰相世系表謂清河東武城張氏
出漢留侯之裔故此銘詞有留城祚土趙郡建國之
句其言同縣崔居士南青使君第五子者當是崔僧
淵也後魏書崔元伯傳亦云清河東武城人其族有
目連子僧祐弟僧淵仕至龍驤將軍南青州刺史有
傳故此稱南青使君傳言僧淵元妻房氏生二子伯
麟伯驥後房氏更納平原杜氏僧淵之徒也與杜俱
去生四子伯鳳祖龍祖螭祖虬得還之後棄絕房氏

遂與杜氏及四子家於青州又云祖螭粗武有氣力
方刺史元羅板爲兼統軍討海賊普泰初與張僧皓
俱反圍青州尔朱仲遠遣將討平之傳首京師又云
祖虬少而好學下帷誦書不驅競當世舉秀才不就
此稱南青使君第五子以傳之次敘言之當爲祖螭
然墓志既云崔居士乃無官爵之稱又云妙德義故
歸焉似指第六子祖虬言之方近是豈祖虬爲兄祖
螭爲弟而傳誤倒其次敘耶唐宰相世系表於清河
青州房列目連子但有僧淵而無僧祐并脫失僧淵
諸子之名亦無可攷其先後且據志有兄弟相撫等
語則崔使君且不止一子而于史表亦皆闕畧無可

考據表僧淵當爲前開府參軍事崔頴之曾祖此志
云終於俗宅葬於石室必是仍窆崔氏墓地碑以国
爲國已前見敬脩羅碑褰褱述職之褱當即褱之繆
體字也後讀山左金石志引段赤亭語謂其夫似即
祖螭而志諱言之恐非是又誤妙德義之妙爲以寔
多急影之寔爲電

古泉山館
金石文編

按脩梵張氏歸於崔夫亡出家釋名脩梵隋文帝
開皇十三年春秋九十一則生於梁武帝天監十
二年也窆諸石室而銘之從釋氏法也兄弟相撫
謂子之兄弟也故曰烏烏之心終天莫報既從異
端猶引先王之制亦無於禮者之禮矣清河東武

城今東昌府武城縣漢置東武城縣隋改曰清河瀛州今河間府獻縣後魏立瀛州張烈魏書有傳序曰馮翊吉子才高學博昔人撰詞每多退讓未有自詡如此者意銘為吉子所撰而序吉子之銘者別為一人惜不可攷姓纂馮翊吉氏漢同州刺史吉瞻吉子殆其後歟山左金石志南青使君為崔僧淵第五子名祖螭平津讀碑記以魏書崔僧淵傳祖螭傳證之與此崔居士不合所謂南青使君者或別有一人

胙土作祚用古字古誌石華載此文載旌淑質作載挺淑質陸增祥志

岐州舍利塔下銘

石高一尺三寸五分廣一尺四寸五分十二行行十一字在陝西扶風縣

維大隋仁壽元年歲次辛酉十月辛亥朔十五日乙丑皇帝普為一切法界幽顯生靈謹於岐州岐山縣鳳泉寺奉安

舍利敬造靈塔願

太祖武元皇帝元明皇太后

皇帝皇后皇太子諸王子孫等并內外群官爰及民庶六道三塗人非人等生生世世值佛聞法永離苦日同

并妙果 舍利塔下銘

按隋書文帝紀仁壽元年六月詔省國子學惟留

學生七十人太學四門及州縣學並廢其日頒舍利於諸州唐沙門道宣廣宏明集載仁壽元年六月十三日立舍利塔詔分道送舍利往諸州起塔限十月十五日午時同下石函隋賀德仁首山舍利塔碑亦云分布舍利於八十州同時造塔萃編所錄有三一為青州逢山縣勝福寺一為同州武鄉縣大興國寺並八分書其文及年月日並與此同末云永離苦空同升妙果苦回作苦空小異此銘同口妙果缺一字即升字也又有鄧州大興國寺舍利塔下銘則仁壽二年建文亦與此不同隋地理志雍州扶風郡大業初置舊為岐州統縣岐

山後周三龍縣開皇十六年改名唐初析岐山置漳川縣後改扶風故此石在扶風也嘉慶初何兵備承薰宰此置石寺壁拓本因以流傳故布政盛孟巖惇崇故爻周筇雲為漢皆演治識跋今俱不可得矣

栖巖道場舍利塔碑

高七尺五寸廣三尺五寸三十五行行七十字五書在山西蒲州府

大隋河東郡首山栖巖道場舍利塔之碑

司漢書佐會替賀德仁奉 教撰

蓋聞在天成象玉衡齊於七政在地成形金簡開於四瀆大造區夏弘濟黎元功格二儀事絕三界豈若鷲山

凝寂神智所以經行龍華嚴淨靈覺所以宴坐青蓮耀
彩普明非想之外白晝發輝遍照無色之表然則重華
文命德冠百王迦牟逸多道超千佛真俗冥感機理固
應護持世界汲引群生咸悟苦空皆臻常樂既而抱尸
宵眇久滅度於閻浮翅末盤桓尚凝神於兜率去聖滋
遠思聖滋深慧炬韜光慈燈掩色三途黑暗溟沒煩惱
之河六趣昏迷沉淪愛欲之海津梁靡託彼岸奚憑貝
多傳于半偈栴檀寫于滿月馬鳴繼其絕紐龍樹緝其
頹綱重陰瀟雲更垂甘露化方東漸道向南流星精辯
於劫灰日光通於神夢尔乃像教鬱興支提競起大乘
妙典踰天山而遠度高行名僧望帝京而遥集栖巖道

場者魏永熙之季

大隋太祖武元皇帝之所建立于時得一未清初九勿
用褰帷藉拔乃荆祗園基趾首陽夷齊秉節之地登臨
媯汭娥英降嬪之所加以接連關陝密迓於榆候柱史
之固風仰春陵之佳氣南望華嶽峩峩高掌北眺龍門
茫茫遠跡西抵秦渭鷄首樵其外野東拒晉汾馬頰通
其疏導斯寔山川之爽塏華夏之牡麗者歟於是審曲
面勢占星揆日懸水置墊疏山抗殿蓮峯翠微映花臺
而秀峙松磴森聳對香閣而交巖灑侶凝粹梵音清遠
還如康野之間更似魚山之側何則時有否泰道或汗
隆周氏季末憲章版蕩毀灑甚於坑焚銷像深於炮烙

三川並震預覩橫流之徵九鼎俱沉先見群飛之兆殷
憂啓聖天祚明德烟雲變彩鐘石草音誥誓起於鳴條
謳歌歸于景亳

高祖文皇帝撥亂反正膺錄受圖作樂制禮移風易俗
懸玉鏡而臨寓內轉金輪而御天下監周室之顛覆拯
釋門之塗炭爰發綸言興復像灋渥澤雷震渙汗風行
圓光炳於奇特方等開於秘藏神僂慶牽幢蓋浮空人
壺歡娛幡繒溢陌遐迤禔福幽明響應天不愛道地必
程祥膏露飄零醴泉騰涌史豈絕書府無虛月斯乃太
平之嘉瑞方符出壺之休徵至於佛入涅槃遺形舍利
八國應供六度所薰邁優曇之希有甚河清之罕值

聖朝德教弘道威形護灋超踰僂豫冠絕波斯固化冥
通精靈顯出爰自丹青之頂灑于紫庭之上若飄冬霰
似雨天花三事大夫抗表儼蹈七神佗命安歌踊躍粵
以仁壽元年歲次辛酉爰興睿想乃發璽誥介布舍
利於八十州剋十月十五日同時造塔詔旨以斯福
地太祖善基櫟陽宮寢永絕愛敬畢陌園陵空纏哀
感嚴飾淨土冥資清廟乃命有司於此建塔使星炳
於天漢靈宇構於巖阿邦君與邑宰交馳緇衣與黃冠
競集百工咸事庶民子來以九月廿日規模量立之所
忽聞鐘鼓之聲至十月十一日將入金函影若香爐凌
空而上繞浮圖寶瓶復起紫焰皆作蓮華還成佛像到

十四日夜光出塔上流照山頂時如貝闕乍似銀臺傾
城縱觀連鑣接軼歌舞咸作笙鏞並奏照爛掩于星辰
砥鏘振於陵谷爭投鏐銑競捨琨瑤疑覲海藏之玕若
翫河宗之寶俄而日宮朗敞月相澄明神女塗香天人
獻石珠璣璀璨祭丹青彪炳刹鳳凌霄共陽烏而矯翼燭
龍耀影與陰兔而爭輝似多寶之涌出等育王之靈化
放光動于灑界神功遍于刹土豈如秦王慕道虛架橫
海之橋漢帝尋真徒設通天之觀初

高祖炳靈畧曜載誕馮翊渚浮虹氣室照神光忽有天
女飄然來降現尼形像自号智儂容儀姝妙音詞清雅
擎跽沐浴摩頂讚嘆謂 元明太后曰此子天挺脊哲

相貌端嚴方當平一區寓光隆佛教宜簡擇保姆之才
鞠養於清淨之室言畢不見莫知所之及雄圖蓋世遂
興王業神母記別信而有徵泊將昇鼎湖言違震旦垂
拱紫極遺愛蒼生乃召匠人鑄等身像并圖儂尼置于
帝側是用紹隆三寶頌諸四方欲令率土之上皆瞻
日角普天之下咸識龍顏以仁壽四季歲在甲子發自
鎬京降臨河曲風伯前驅雨師清道紺馬逐日玉女焚
香若昇忉利之宮如上須弥之座尋而洮類大漸厭世
登遐故知聖智見機冥兆先覺昔者灋王將逝化佛遍
於花臺金棺既掩見影留於石室以茲方古異世同符
皇上欽明纘歷重光紹祚道洽百神智周萬物定鼎卜

查永固洪基測圭建都乃均職貢巡遊河洛式導宮扈
之儀登降云亭方具介匠之禮垂旒淵默負宸兢莊高
詠薰風光顯慧日弘宣 二祖之業揔持三乘之教配
天配帝盡享敬於郊禋依佛依經乃莊嚴於塔廟巍巍
乎其有成功也蕩蕩平民無能名焉若夫妬路弘通寔
資演說伽藍崇建乃發至誠寫器傳燈抑允多聞之藏
聚沙布金方求無上之道 太祖爰初締搆深屬綱維
高選名德為其軌範時有僧融灑師明達禪師智刃鋒
穎戒珠圓潔律儀動眾梵行普聞慕雪嶺之投身企香
城之灑血夙興夜寐輟寢忘餐親執縮版躬營塗墍梓
匠遵其規曠繪事稟其雕鏤勞佚身心亟移灰琯雖祇

施之擦門地迦葉之搥塔泥校以精勤曾何等級是故
禪龕義窟數息薰心冬室夏堂避寒清暑五時敷演四
事豐盈振錫爭趨持瓶揔萃飛流穴石澄八解之水驚
颯動樹吐七覺之花乃類歡喜之園圍殊安養之國况
復蒲城奧區寔惟形勝冠蓋雲合車馬川流聽灑之侶
如林獻供之徒成市登彼靈山似遊崑閩臨斯德水若
暎熙連豁尔矜矜俄然悟道上震有頂梵帝敞於天宮
下救無間魔王開於地獄江海為量何以測其淺深草
木為籌不足知其邊際河東太守正議大夫陳公寶慶
武元皇帝之外孫上柱國陳懿公之中子枝連若木
流派天潢作土承家介珪方岳西都外戚之重東京元

舅之貴公侯之陷必復山河之誓無泯寄隆藩屏任屬
股肱比屋被其春風連城仰其冬日聽訟舍棠歸依道
樹宣祿駢傳圃仰灋輪主薄徐敏恭司功韓仁迪司
戶姬君靚司倉鄭希玄司灋章修已等弼諧求瘼匡贊
共治連璧擅其清風懸榻馳其美譽經始淨業迴向灋
門昔大夫吉甫尚箸雅什長者寶積猶陳妙偈長守司
道式樹豐碑爰命末僚乃作頌曰

緬尋圖緯歷選皇王補天立極括地開壇導德齊禮正
位辯方罔祛有漏孰悟無常如來應跡誕生迦衛乘月
降神寶星興杳大拯五濁闡揚四諦斷絕蓋纏薰修福
慧 太祖歷試建煥作牧玉淵潛龍朱軒馴庶陟彼陵

鼻翫茲川谷乃立精舍方興版築靈岳鬱盤王城聳峙
迥眺少室遙臨太史京都襟帶山河表裏鷄嶺可模鶴
林斯擬周德云季鼎祚方移崇信調達欽尚流離湮毀
金地枯涸寶池民號鬼哭川竭巖隳赫矣 高祖勃焉
革命就日合明則天齊聖中興王道深入灋性調御淳
和汲引樂淨佛身舍利 帝儀靈爽八彩光華五色炫
晃合寶為塔鎔金成像十方迴向兆民瞻仰 上聖承
歷下武繼文鳳翔江漢龍飛滄泠籠姬項孕育唐飭
流布灋雨輝映慈雲柰苑洞開菴園弘敞風和寶鐸露
光僂掌道界金繩庭懸珠網谷虛磬徹巖幽梵響猗歎
開士弘闡宗美共邦守翼讚時雍言遵衛鼎司司

式刊圓石永樹高峯

按賀德仁撰河東郡首山棲巖道場舍利塔碑不
 題年月孫兵備星衍訪碑錄作仁壽二年乃沿金
 石錄之誤碑載隋高祖鑄等身像圖仙尼於帝側
 以仁壽四年甲子歲降臨河曲下云皇上重光紹
 祚宣二祖業則建碑歲月當繫之大業初年也碑
 題河東首山又云褰帷蒲坂登臨媯汭接連關陝
 密邇粉榆南望華岳北眺龍門西抵秦渭東拒晉
 汾四境秩然為今蒲州府而訪碑錄謂在河南閩
 鄉亦誤隋書地理志河東郡後周曰蒲州統縣河
 東舊曰蒲坂縣置河東郡開皇初郡廢十六年析

置河東縣大業初置河東郡并蒲坂入有首山媯
 汭水並與碑合河東郡為大業初復置則仁壽二
 年無此郡也漢書武帝紀元封六年春作首山宮
 三月幸河東文穎曰首山在河東蒲坂界水經注
 雷首山臨大河北去蒲坂三十里一名獨頭山夷
 齊所隱河東首山即雷首山非孟津以南之首陽
 山也淮南子墜形訓高誘注首山在蒲坂縣南河
 曲之中夷齊所隱高祖因農華陰人生於馮翊故
 云密邇粉榆隋書帝紀高祖文皇帝西魏大統七
 年生於馮翊般若寺有尼來自河東謂皇妣曰此
 兒所從來甚異不可於俗間處之尼將高祖舍於

別館躬自撫養皇妣嘗抱高祖忽見頭上角出徧體鱗起大駭墮高祖於地尼自外入見曰已驚我兒致令晚得天下周大定元年高祖受禪開皇元年追尊皇考隋國公為武元皇帝廟號太祖皇妣呂氏為元明皇后又咸淳臨安志及靈應寺舊志有云神尼舍利塔在錢唐飛來峰頂隋文帝生於同州般若寺寺尼志仙謂太祖曰此兒佛所祐太祖委尼視育帝長尼私謂曰佛法暫廢賴汝而興屬周廢教尼隱帝家而卒仁壽二年遣僧齎神尼所囑舍利於此造塔碑云尼號智僂臨安志作志仙志智音近而訛隋紀尼來自河東宋志同州般

若寺尼後卒於帝家此碑則云現形讚嘆言畢不見較諸史志更為神異周建德三年廢佛道教大象二年隋文帝為大丞相復佛道教即碑所云毀灑銷象及興復象灑也陳懿公竇榮定也隋書本傳榮定扶風平陵人妻高祖姊安成長公主以佐命功拜上柱國靈州刺史進爵安豐郡公拜武衛大將軍贈冀州刺史陳國公諡曰懿子抗嗣漢王諒搆逆煬帝以抗為通謀除名弟慶襲封陳公官至河東太守衛尉卿弟璉扶風太守故云武元外孫懿公中子唐書文藝傳賀德仁越州山陰人與從兄德基以文辭稱人為語曰學行可師賀德基

文質彬彬賀德仁入隋授豫章王記室徙封齊復為府屬王廢德仁以忠謹獲貫補河東司法參軍高祖時與蕭德言陳子良皆為東宮學士此碑德仁及徐敏恭以下皆河東官屬故云末僚作頌歸美陳公兼及同列也碑字筆法縝密高渾書者不傳史稱竇慶兄弟並工草隸金石錄唐司空竇抗墓志歐陽詢撰并書隋衛尉卿竇慶墓志不著名氏小楷工妙不減歐虞是碑為慶所勒石尤必妙選撰書能手也

白毫作豪用古字蒲阪作扳炮烙作格舞蹈作舞皆假借

陸增祥志

王摩侯舍利塔記

縱橫六寸中孔方三寸記刻左右及下方左右各二行行九字十一字不等下方三行行二字三字不等正書在陝西長安縣百塔寺

大隋大業五年歲次己巳正月己巳朔廿日京兆郡大興縣御肅鄉便子谷至相道場建立佛舍利塔 弟子王摩侯供養

按隋至相道場亦名至相寺即唐百塔寺也在今西安城南五十里隋為至相道場唐為信行禪師塔院萬歲通天二年梁師亮墓志葬雍州城南終南山至相寺榎梓谷信行禪師塔院之東唐時慕信行者皆葬其左右而置塔焉大厯中建百塔寺

隋大興為唐萬年即今咸寧縣梗梓谷在豹林谷
東石鼈谷西玉海引呂大防城圖云唐城南直石
鼈谷長安志石鼈谷以谷水為長安萬年二縣分
界迄今不改自唐宋以來皆以梗梓谷隸長安據
此記則隋入大興境內矣長安志御宿川在萬年
縣西南四十里楊雄羽獵賦序武帝開上林東南
至御宿川漢元后傳夏遊籓宿師古曰籓宿苑在
長安城南今御宿川是也御宿鄉因川而名御宿
作御肅梗梓作便子音同而誤

正議大夫甯贇碑

高四尺六寸廣二尺八寸三十一行行三十九字碑額中穿穿左右題圖越郡欽江縣正議大夫之碑十二

字四行並正書在廣東欽州

竊以太暉之末分顯臯之邦唐赫之餘為管魯之國邵
公思室賦棠棣之詩幸有哀本悲被髮之異故枝流葉
從自結貞筠之條宗子維城各理封壘之邑故甯相甯
渝傅鼠玉之名甯喜甯戚紓遺芳之哲公匡衡在輔無
忘士鷲之工後而能政追蹤子范之用所以繁衍陵穆
盤根閩越者哉公諱贇字翔威冀州臨瀋人也公惠好
自研齊赫嚮之德葳誠和誘同益明之温儒藻進賢常
吟雅頌爾嚴愛善宮壚之美祖邁馳千載仁風擁六奇
高辯警加木鐸訓悅過遲梁武皇帝除芝州刺史揔督
九州諸軍事陳宣武皇帝又除揆安州刺史久猛力德

賈神呈氣衝牛斗典祀改事隋會無聞卒乘輜睦先穀
懷讓文皇帝除使持節開府儀同三司安州諸軍事安
州刺史宋壽縣開國侯兄長真包山岳之志搽雲霞之
襟行應管鍾義通泉涌褰帷本土刺舉家邦節盡中朝
風純面海帝換上儀同三司欽州刺史立功於國勅加
官賞尋進上開府儀同三司欽江縣開國公食邑一千
戶軒車薄伐外馬專沔又為行軍總管言捷荷戟猶虜
會之獨清勲入司門類武安之奉詔仍轉上大將軍其
年改右光祿大夫寧越郡太守爵名暴塞成似珽超之
官職撫舊閭還若淮陰之封以昔方今盛哉而已公履
端器量增萬頃之測舍翰縱容踰四學之勸開皇十四

年帝以公衣冠子胤遠來入朝既秉誠心宜升戎袂揆
大都督厚贈繒綵徧加享祀以公長榆之變李氏弱乎
區外細柳之搗條侯及存無策南之穴趾之川北靖蒼
梧之野仁壽二年詔公兄弟建亞宣揚國化嗣位牧民
撫練蕃部宜加榮祿用優恒典增上儀同三司到大業
二年帝以公驟後戎踐克著嘉庸拜上儀同三司餘官
如故公沉神惟帳斃羊祐之謀脩備繕完規滅宣之度
披豁三略之精麾師九圍之勇雲梯再起魚驪與維兄
及弟陳兵林巨推鋒振旅以先啓行前茅慮無中摧後
勁浮青雀以泛白波權赤馬以排綠浪秉軾相臨雲橫
百陣靡旌摩壘有許伯之雄折馘掉鞅摸攝赫之勢故

得卧彼鼓旗投衡拔旆困獸猶鬪鋪舶新墉之江出眾
 施緣之海賊艦千乘公舟二十旭旦懺交浸霄未已公
 策運在標擢以樓舡五鷁徧師擻隊得潰彼豺狼爭舟
 指掬芟夷撲滅盡瘡凶伎獻捷鏤地馬伏波慙色以類
 猴神納俘檀和之愧乎其道公巡歷三軍皆如挾纊聲
 播百官咸佈斯茂大業二年十月馳謁承明躬親違闕
 乃受開府儀同三司即其年改為己儀大夫公刑儀班
 越子張非其人容衰簪裾陸機失其侶柳蒲早焮風燭
 易遷觀閔既多靈芝是乏德以大業四年歲口戊辰口
 月十九日终于私宅春秋卅有五嗚呼哀哉樹絕大夫
 之陰營息將軍之号市停三日悲盈口邦大息嗣赫于
 终于始唯明唯孝大業五年歸舊所密松連盖踈楊迥
 吟言念君子其銘云尔

火紀承宗相土師農生民厥始社稷根蹤鳳凰垂翼幽
 都受封支傳帝業祠慕高龍崇陰理頌周口口礼令美
 閩越德隆蕃邳仁鏡長明智花恒啓遊藝自依多能備
 禮文著馬鞭行崇基堦義水併口口泚口建國興邦
 純守邊垣威流五嶺勇振三湘臨瀟粉溢昭穆丘長惟
 開策運樓移勢車梯衝雲口口銜月光旗影飛地劔抱
 星芒烽連柳塞陣合魚陽舟移鷁轉權動蘭芳董蒲葉
 盡秦糜顛張朝稱口口野号賢良卿士唯相叅輿是匡
 搖落裴夔原隰孤平似盖樹委如樓鼓橫悲悽壑谷哀

卷三
慘松聲□□□從終傳令傳名 大槩五年四月□□

按隋正議大夫甯贇碑銘凡一千一百三十四字
魚驪與句與上原脫一字銘末句終傳令名令下
衍一傳字碑下左方石損共闕十三字年月下闕
二三字餘皆完整道光十二年廣東高廉道仁和
許公乃濟得於所屬之欽州寄示拓本碑為南刻
書則北宗猶存漢碑之式粵東石墨此最晚出實
為最先翁氏阮氏金石略皆未載補而冠之可為
後來居上矣世本甯氏出自衛武公子季甞食采
於甯因以為氏春秋成二年傳杜注甯相甯俞子

襄二十五年傳九世之卿族杜注甯氏出衛武公
至喜九世元和姓纂季甞弟頃生跪跪孫速速生
俞俞生殖殖生喜九世卿族齊有甯戚此碑以相
俞為昆玉而先相世次棼矣甯戚甯喜時地不同
且喜罪昭然何遺芳之有約舉諸甯而錯序之不
可為典要也甯贇之名正史未見贇父猛力見令
狐熙傳兄長真見劉方傳南蠻林邑傳北史隋書
並同祖達梁定州刺史陳安州刺史元和姓纂梁
受州刺史甯達居欽州達與達形似而謫梁定州
隋鬱州鬱林郡安州隋欽州甯越郡受州隋九真
郡地皆相近達在梁時刺定州亦刺受州姓纂之

甯達即此碑之甯遠也隋書令狐熙傳開皇中上以嶺南夷越數為反亂徵拜桂州總管十七州諸軍事刺史以下官得承制補授熙至部大宏恩信時有甯猛力與陳後主同日生自言貌有貴相在陳日已據南海平陳後高祖因而撫之即拜安州刺史驕倨恃其險阻未嘗參謁熙手書諭之申以交友之分其母有疾遺以藥物猛力感之詣府請謁不敢為非熙以州縣多有同名者奏改安州為欽州欽州改於開皇中猛力正刺其地姓纂以為梁甯達居欽州者因其後昆而追繫之梁無欽州也劉方傳授驩州道行軍總管經畧林邑方遣欽

州刺史甯長真驩州刺史李暈上開府秦雄以步騎出越常方親率舟師趣北景

北史作境

大業元年正

月軍至海口林邑王梵志遣兵守險方擊走之次

闍黎江既度賊乘巨象四面而至方射象象中瘡

却蹂其陣王師力戰俘馘萬計濟區粟度

北史作區粟

進至大綠江賊據柵又破之逕馬援銅柱南行八

日至其國都梵志棄城奔海獲其廟主金人汗其

宮室刻石紀功而還南蠻林邑傳林邑之先因漢

末交趾徵側之亂區連殺縣令白號為王無子甥

范熊代立熊子逸無子曰南人范文自立其後范

佛宋交州刺史檀和之將兵擊之深入其境

事具宋書

南史宗至梁陳亦通使往來高祖平陳乃獻方物

後朝貢遂絕羣臣言林邑多奇寶仁壽末遣大將

軍劉方為驩州道行軍總管率欽州刺史甯長真

擊之其王梵志率徒乘巨象而戰方多掘小坑草

覆其上挑戰偽北梵志逐之至坑而陷縱擊大破

之棄城而走方入其都獲其廟主十八枚隋書誤

從北史皆鑄金為之蓋其有國十八葉矣碑稱猛

力長真勲伐並與史合林邑之役贄在行間足補

李魏二史所未備碑引馬伏波檀和之皆征蠻前

事經畧林邑劉方傳詳水戰南蠻傳詳陸戰碑則

約而兼之其云獻捷鑿地獲神納俘即史所稱獲

其廟主刻石紀功也隋地理志寧越郡梁置安州

開皇十八年改曰欽州統縣六欽江舊置宋壽郡

平陳郡廢開皇十八年改曰欽江大業初置寧越

郡又百官志正議大夫與開府儀同三司舊秩皆

四品煬帝即位多所改革以開府儀同三司為從

一品同漢魏之制贄受散職四品故改為正議大

夫則知開府儀同為從一品乃改於大業二年史

與碑可互證贄說文分別也從虓對爭貝讀若迴

胡畎切虓虎怒也五閑切贄字許徐異音蓋古从
貝聲今从虓聲耳爾雅釋獸贄有力贄為獸名文
選魏都賦蒹葭贄則兼怒生爭別之義翔威命名

取諸雅訓固有父風者矣碑文竊作竊邦作邦棣
作棣哀作哀壇作壇溜作溜牆作墟父作父輯作
輯淵作淵翰作翰備作備旅作旅寇作寇宵作宵
撲作撲仰作仰遷作遷靈作靈儵作儵陞作陞邊
作邊並沿南北朝別體太皞作太皞皋宰字通魚
麗作魚驪折馘作折馘柳蒲董蒲皆作蒲秦麋作
秦糜乃偏旁借羊祐作羊祐誤晉書祐本傳荊州
人為祐諱名屋室皆以門為稱改尸曹為辭曹祐
名从示古聲故書多有誤為祐者不得引碑為證
也

從容作縱容芬作粉皆別體叔向作嚮緬海作

面理訟作頌尚合於六書通段之義前跋未及

陸增祥志

太僕卿元公墓誌

石縱橫二尺五寸三十七行行三十七字正書在陝西咸陽縣出土今藏予家

大隋故朝請大夫夷陵郡太守大僕卿元公之墓誌銘

君諱 字 智河南洛陽人魏昭成皇帝之後也軒丘

肇其得姓卜洛啓其興王道盛中原業光四表其後國

華民譽瓊萼瑤枝源派流分奮乎百世具諸史冊可略

言焉六世祖遵假節侍中撫軍大將軍尚書左僕射與

青兗豫徐州諸軍事與州牧常山王高祖素假節征西

大將軍內都大官常山康王曾祖忠使持節假騎常侍

鎮西大將軍相太二州刺史侍中尚書左僕射城陽宣
王祖暉使持節散騎常侍都督徐州諸軍事平東將軍
徐州刺史宗正卿父冢使持節侍中驃騎大將軍開府
儀同三司尚書左僕射華敷南秦并幽晉六州諸軍事
六州刺史司徒公樂平慎王維君幼挺奇資早飛令譽
識鎮表於觀虎風流見於乘羊落落高標排青松而獨
聳亭亭峻節映綠竹而俱貞吐納美風規雍容善辭令
通人仰其好仁僚友稱其孝友於是聲譽流洽孟晉追
群周保定四季詔擢為左給事中士禁內清切王事便
繁許史之親乃鷹斯授金張之寵方降此榮陳力効官
獨高前代天和四季遷為給事上士貴遊子弟實符束

指之辭名士俊才不愆荀綽之記望衣准而高視顧蘇
林而載馳建德元季入為主寢上士粵自居中遷于內
寢自非不言如子夏至慎若嗣宗豈能淋慎於否臧無
言於温木三年二月轉為掌式中士君清循疾惡正色
讜言簪筆自肅於權豪霜簡不吐於強衛故已聲齊乳
虎号擬蒼鷹官得其人斯之謂矣五季四月以君姪正
幹職遷為司御上士時三方鼎足務在并兼既物色賢
人且資須良馬五監三令未易其人宣政元季以軍功
封豫州之建寧縣男色二百戶其年八月又錄晉陽之
役加使持節儀同大將軍大象二年又仍舊封進爵為
子擁茲絳節擬上將之儀苴以白茅開建國之社尋遷

少駕部下大夫管金日磾以謹養致肥武帝擢之中監
百里侯以時使不累穆公授以上卿望古傳今於茲為
美開皇元年出為益州武康郡大守公導之以德齊之
以禮田餘滯穗路有遺金又進爵為伯轉儀同三司從
格例也秉彼躬珪輝煥五等服茲袞冕照映三台九年
授使持節扶州諸軍事扶州刺史十六年改授渝州諸
軍事渝州刺史公頻刺二州申威千里抑強而惠鰥寡
舉善而矜不能猾吏無所竄其情奸盜不能匿其跡
聖士慕承洪緒釐改刺州選任能官更授夷陵太守公
肇膺嘉舉彌勵清勤巴祗暗居不官燭王閔獨坐不
發私書由是徵入為太僕卿朝請大夫如故時達邊令

式贊弓矢搃駒駘之監長統昆之令丞駟駿加銳於
軍容犧牲備膺於崇望方當控茲八駿御彼六龍登
栢梁而賦詩出上林而奉饗而晦明之疾既湊膏肓之
暨先侵大業九季扈從遼碣月日遺疾云亡薨于
懷遠之鎮春秋六十有四嗚呼哀哉廼以十一年太歲
乙亥八月辛酉朔廿四日葬于大興縣鄉

里禮也維公器局疏通神情秀上虛心以待物直已
以明義不吐不茹正色正言面刺有汲黯之風爭見
王陵之節既而出宰牧守入作卿士奸吏惜其擿伏朝
彥挹其能官重以知止知足維清維慎家餘海陵之粟
既自足於餘梁室傳夏后之璜差無乏於玳玩至於殮

錢月給必均之於下吏祿俸歲受皆蔽之於親知斯乃公孫弘之高風晏平仲之清規矣仁乎不憖嗚呼惜哉今龜筮協從房腸行掩式鏤石用作銘云

巖巖其趾浩浩其源極天比峻浴日同奔鳳生鳳穴龍陟龍門煥爛珪璧郁馥蘭蓀

爰啓常山廼建王爵振振趾定鞞鞞跣執法南宮建旗東岳袞黻委他蟬瑋珥灼

太僕瑤枝人之表儀六德孔備百行無虧丘陵難越墻仞莫窺仁為己任清畏人知

執法主寢牧州典郡謇謇言洋洋泝問虎去雉馴風和雨順政号廉平民稱惠訓

靈旗東指巡海稜威秉轡作僕方効乘機忽悲撤瑟俄驚復綏龜謀空鯨魚躍虛歸

飄飄反至眇冥陽魄永愴君蒿長悲窀穸蓋偃佞松鑪攢拱栢茂德洪名永宣金石

誌墓而闕其諱使後人無攷何也誌中聖主誤作聖士餘梁誤作餘梁焄蒿誤作君蒿不口官燭統昆口之令長口爭見王陵之節每句空一字卒之月日及葬日甲子與所葬之鄉里皆空格不填蓋上石察書者無其人也房腸行掩用漢書霍光傳賜便房黃腸題湊各一具注便房墻中室也黃腸栢棺也謝惠連祭古冢文黃腸既毀便房已積此云房腸二者合言

也

古誌
石華

右墓志三十七行行三十七字正書字徑三四分行
間有棊格書法勁秀刻畫峻拔乃石刻中之妙品也
志言元公為魏昭成皇帝之後六世祖遵常山王高
祖素常山康王曾祖忠城陽宣王並詳後魏書紀傳
惟忠賜爵稱城陽公而非王與此志不同自當以此
為正其言祖曷歷官至都督宗正卿父最終司徒公
樂平慎王則皆不見於史忠傳言有十七子而止載
其一子暉後周書元偉傳亦云忠之曾孫祖盛封城
陽公父順封濮陽王皆與此不合蓋忠子眾多史家
記載漏略者不少也此志空其諱一字又空其字上

一字而以其歷官周隋二史及唐書諸元氏傳攷之
亦皆無所表見據志所署其上世後魏官爵惟內都
大官不見於官氏志餘略同又按魏書地形志言相
州天興二年置天平元年遷都改為司州而太與敷
二州皆不見惟據隋書地理志上郡下云後魏置東
秦州後改為北華州西魏改為敷州而太州亦未詳
及又敘其在周自保定四年擢左給事中士天和四
年遷給事上士建德元年人為主寢上士三年二月
轉掌式中士五年四月遷司御上士宣政元年以軍
功封豫州建寧縣男八月錄晉陽之役加使持節儀
同大將軍大象二年又仍舊封進爵為子遷少駕部

下大夫攷後周官制僅附見隋書但言周太祖初據關內官名未改魏號及方隅粗定改叛章程命尚書令盧辯遠師周之建職置三公三孤六卿有內命外命之別及上大夫中大夫下大夫上士中士下士又言高祖又採後周之制所置有上大將軍大將軍儀同三司等以酌勤勞如此志所云左給事中士主寢掌式司御少駕部名目皆志所未詳也又攷本紀保定三年九月詔柱國楊忠率騎一萬與突厥伐齊四年春正月楊忠破齊長城至晉陽而還當即此志所云晉陽之役蓋元公與有功焉其敘入隋所歷之官則云開皇元年出為益州武康郡太守進爵為伯轉

儀同三司九年授使持節扶州諸軍事扶州刺史十六年改授渝州更授夷陵太守入為太僕卿朝請大夫大業九年扈從遼碣邁疾薨於懷遠之鎮攷隋書地理志但有雍涼豫充冀青徐揚荆九州云煬帝并省諸州旋改為郡此志所稱益州武康郡及扶州渝州皆不列入攷魏書地形志有益州云正始中置者並非其地此所謂益州武康郡者即蜀郡陽安也故隋志於蜀郡下云舊置益州開皇初廢陽安下云西魏置武康郡開皇初廢元公為益州武康郡太守在開皇元年其時尚未廢也又同昌郡下云魏逐吐谷渾置鄧州開皇七年改曰扶州又巴郡下梁置開皇

初改曰渝州按之墓志亦皆合其所謂扈從遼碣者
攷本紀大業九年三月幸遼東四月車駕度遼即其
事也隋志武陵靈郡懷遠下云後周置仍立懷遠而
開皇三年即廢則此稱懷遠正是其所卒之地縣名
也石刻於字名既有闕空又於其後不下官上及昆
下崇望上月日二字上皆空一字又廿四日下及鄉
上里上皆空二字又聖上之上誤刻作士彥式二字
俱有脫刻之筆元公卒於扈從中途月日或未得其
詳其鄉名里名亦或撰文時尚未定故空而未填至
名與字不當不知而亦皆空闕寔所難解且犧牲備
於崇望似崇上並無闕字不當空又日既為辛酉朔

則廿四日干支自當是甲申亦易知之者且夫人姬
氏同葬另有墓志有之意者元公夫人姬氏既亾志
又不言其子或竟乏嗣此志之撰刻皆他人為之經
理故有此錯脫諸病歟然書寫刊刻之精實可愛可
寶耳此刻及夫人姬氏二志石現藏毘陵陸氏聞其
游幕關中見土人掘土得之遂購以歸古泉山館金石文編

按魏書官氏志托跋氏改為元氏自云黃帝子昌
意之後居北土為鮮卑君長昌意三十九代至昭
成帝什翼犍始號代王都雲中道武改號魏即尊
號孝文都洛改為元氏北史魏宗室傳昭成皇帝
九子次五曰壽鳩常山王遵壽鳩之子道武初有

卷三
佐命勲賜爵略陽公及平中山拜尚書左僕射加
侍中領勃海之合口及博陵勃海盜起遵討平之
遷州牧封常山王天賜四年坐醉亂失禮賜死遵
子素太武初襲爵及平統萬拜假節征西大將軍
以鎮之復拜內都大官雅性方正居官五十載終
始如一時論賢之薨謚曰康陪葬金陵配饗廟庭
素子忠字仙德以忠謹聞孝文時累遷右僕射賜
爵城陽公加侍中鎮西將軍有翼贊之勤百寮咸
敬之太和四年卒謚曰宣忠子盛字始興襲爵盛
弟壽興宣武初為徐州刺史王顯為御史中尉奏
壽興怨謗朝廷賜死壽興自作墓銘曰洛陽男子

姓元名景有道無時其年不永及宣武崩顯尋被
殺靈太后臨朝詔雪壽興贈豫州刺史謚曰莊壽
興子最字幹從孝武入關封樂平王位侍中兼尚
書左僕射加特進太僕先世遵素忠最墓誌與北
史合魏書略同壽興即最李延壽撰北史避唐世
祖諱改最為景故曰姓元名景魏收書多亡闕後
人以北史補之故仍唐諱魏書稱忠十七子盛字
始興最字壽興既諱最為景遂稱字為壽興也元
和姓纂壽興少子最司徒樂平王生直直生文豪
太僕少卿文豪生思齊鄭州刺史思哲舒州刺史
思元右領軍思元生直南州刺史此志諱下空一

格字下僅著一字曰智樂平王生直直智義合太
僕諱宜即直矣此與子孫名位皆可以姓纂補之
姓纂誤最為最魏書並不及最皆可以誌及北史
補正之誌無昂贈謚可以史補之城陽進王樂平
謚慎史皆未及又可以誌補之也太僕祖父歷官
封爵之地如冀青兗豫徐相華敷南秦并幽晉諸
州常山城陽樂平諸郡並見魏書地形志而不著
太州唐書地理志北都太原府太原郡本并州武
德三年以太谷祁置太州六年州廢二縣來屬元
和郡縣志隋改陽邑為太谷縣因縣西太谷為名
武德三年分并州之太谷祁二縣置太州六年省

太州復以二縣屬并州祁本漢舊縣武德三年改
屬太州太州之名仿此是刻稱忠為相太二州刺
史則元魏時已有太州唐初建置或沿元魏而史
志失載歟隋大業九年癸酉春秋六十有四則生
於西魏文帝大統十六年庚午是歲梁簡文大寶
元年齊文宣天保元年至周高祖武帝保定四年
甲申年十五擢左給事中壬天和四年己丑年二
十遷給事上士是歲周武封魏廣平公子元謙為
韓國公以紹魏後建德元年壬辰年二十三入為
主寢上士三年甲午年二十六轉掌式上士五年
丙申年二十八遷司御上士三方鼎足務在并兼

謂陳齊也是年十月周伐齊取平陽十二月復伐

齊拔晉陽六年丁酉正月入鄴遂滅齊宣政北史作正

元年戊戌年二十九以軍功封建霍縣男邑二百

戶加使持節儀同大將軍所為錄晉陽之役也是

年六月武帝崩宣帝即位明年己亥二月傳位太

子闡是為靜帝改元大象大象二年庚子年三十

一進爵建霍縣子遷少駕部下大夫大定元年二

月遜位於隋隋高祖文帝開皇元年辛丑年三十

二出為益州武康郡太守隋地理志益州統縣陽安西魏

改名并置武康郡開皇初郡廢據志則廢進爵為

伯散縣伯從封儀同三司正五九年己酉年四十

授使持節扶州諸軍事扶州刺史梁州同昌郡西魏置鄧州開皇

七年改曰扶州下十六年丙辰年四十七改授渝

州諸軍事渝州刺史梁州巴郡開皇時曰渝州煬帝大業三年

丁卯年五十有八四月改州為郡誌云聖上刻作

士纂承洪緒釐改刺州更授夷陵太守荊州夷陵郡上郡太

守從第當在是年其入為太僕卿正四年不可定

朝請大夫正五如故者大業三年更定官制上桂

國以下為大夫廢伯子男爵時已改儀同三司為

朝請大夫故云如故封爵既廢故不題豫州建霍

縣伯也太僕寺統驩騮左右龍左右牝駝牛司羊

乘黃車府等署駟駿犧牲皆其所掌尚乘局有駒

卷三
駱閑駒駱監長即謂此也大業九年三月煬帝討高麗四月度遼六月班師扈從遼碣薨於懷遠鎮當即其時營州有懷遠守捉城即其地也隋雍州京兆郡統縣二十二第一曰大興開皇三年置今為西安府咸寧縣此與夫人姬氏誌石並於嘉慶初出土石完整無一字剝蝕所空十二字乃本未上石者文辭雅馴書法嚴傑北宗也而結體審正一洗南北朝纖俗之習世重歐虞書此為先導矣予得拓本珍玩數十年并二石購得之以嘉慶二十三年夏載之江左藏於家

便繁即詩便蕃字蕃繁古通書庶艸蕃廡史記

宋微子世家作繁後漢書張衡傳亦用繁廡大戴記爭鬪之獄繁矣漢書禮樂志作蕃左氏傳封父之繁弱文選上林賦用作蕃弱注云蕃與繁古字通淮俗準字管子准壞險以為平呂覽有淮不以平五經文字引字林准平也皆即準字表准即表準字孝尼陽夏人官給事中侯即奚字孟子百里奚史記秦記作侯左氏傳祁奚史記晉世家作侯巴祇漢書作祇嘗為揚州刺史以清貧著名漢有兩王閔一為魏郡元城人哀帝時為中常侍王莽篡位忌之出為東都太守一為吳人建武初仕山陰令遷御史補陳留

太守不交權貴公庭闐寂人號王獨坐誌所用者蓋吳之王閔也此與姬氏兩誌兵燹後下方左角殘損不完矣君焄省文非誤字餘梁梁字下半米字惟右上一點稍涉曼患碑亦不誤黃氏均以為誤非聖士士字主之誤與上之誤無從凡斷陸增祥志

大僕卿元公夫人姬氏墓誌

石縱橫二尺一寸二十七行行二十七字正書在陝西咸陽縣出土今藏于家

大隋故太僕卿夫人姬氏之誌

夫人姓姬也圖開赤雀文德暢於三兮瑞躍白魚

武功宣於五伐大封四十維城於是克昌長享七百本

枝以之蕃衍蟬連史策可略而言曾祖懿魏使持節驃騎大將軍東郡公祖亮魏使持節大將軍開府儀同三司燕州諸軍事燕州刺史東郡敬公父肇周使持節侍中驃騎大將軍開府儀同三司光祿大夫東秦州諸軍事東秦州刺史勲晉絳建四州諸軍事勲州總管神水郡開國公夫人幼挺聰慧早標婉湫瑶資外照蕙姓內芳既閑習於詩書且留連於筆研馬家高行終降志於表門曹氏洲姿且悅已於荀氏年十有八歸于元氏焉太僕弱冠登朝盛播名德夫人亦委恭內職憂在進賢穆琴瑟之和展如賓之敬天和四年六月冊拜建寧國夫人瑜狄委他光膺典策衡珮昭晰肅拜朝榮於

是輔佐以審官自防以典禮送迎未嘗逾闕保傅然後
下堂既而五福先虧六氣多爽青要素序奄搖落於禮
華玉露金風竟摧殘於蘭蕙建德六年六月九日遘疾
云亡時年廿有九嗚呼哀哉以今大業十一年太歲乙
亥八月辛酉朔廿四日甲申合葬于大興縣 鄉之
里禮也昔三春之俱秀獨掩翠而先訣今百年而
偕謝始同歸於共穴骸金鏤而長埋掩銅窓而永閉嗚
呼痛矣乃作銘云

帝譽肇祖君稷分枝上觀星象下相土宜葉隆在鎬仁
盛遷岐三讓至德九錫光施

驃騎誠烈早飛聲問擁茲絳節大啓東郡開府堂堂忘

情憲愍神水恂恂劬勞惠訓

有泐其德言容不迴星光東楚春芳標梅六珈照日百
兩驚雷鳳飛金帳龍翔玉臺

典籥纔臨瑟琴方睦猶垂翠帳忽緯華屋輝旒挂巾
匳餘馥志沮且庄神傷畫哭

昔日體齊早別春闈今茲合至還共塵泥雙鳥轉雙兩
劍終齊千秋萬歲永誌貞妻

夫人先太僕三十九年而卒至是始得合葬誌不言
其有無子息何也蕙性誤作蕙姓畫哭誤作畫哭夫

人姬氏下二字所葬之鄉里亦闕而未填

古誌石華

按姬氏東郡神水三世史皆無傳魏書北史並載


姬澹字世雅信義將軍樓煩侯以勇績著名桓帝
穆帝並見委任為羣情所附附見衛操列傳或即
東郡之先歟操傳北史仍魏書魏書多采晉光熙
中大邗城碑刻姬氏此志足補二史之遺隋地理
志絳郡稷山縣有後周勳州置總管後改絳州長
平郡舊曰建州後改澤州又延安臨真縣有西魏
神水郡後周郡廢周建德六年丁酉夫人年二十
九則生於西魏大統十五年己巳長太僕一歲是
歲梁武帝太清三年東魏孝靜帝武定七年也年
十八歸於元氏為周天和元年四年大僕遷給事
上士稱拜建寧國夫人時年二十有一兩誌皆不

及子姓猶見唐以前文律謹嚴自唐以後并諛生
者矣此書整逸端妙與太僕誌銘可稱雙璧


性姓同音假借未可遽以為誤金石文字中多
有之籀古文毋伏狄之誤珮珮之誤迴回之或
體馥馥之俗別巫葬之別體前跋皆所未及也
此石亦湮沒而復出殘損甚於太僕志先生藏
石尚有唐鄭温球墓志兵燹後不可復得矣

志祥






金石續編卷第三終



卷三



風
有
勁
樣